

सानसेयारि "बड'सा" खौरांलाइयाव  
अमजयारि जिज्जो लोब्बा थानाय रायथाय, अन्थाय,  
अल', अल'बाथा आरु दावबायारि थावनि, पाके  
बाइदिनि आयाव लिर्नाय लिर्बिदां दैथाय हरु।  
सानसेयारि "बड'सा" खौरांलाइया सेबखानाबि  
फोस्वावोन।  
बड'सायाव लिर्हरनायनि हुबा खालाम,  
"बड'सा" खौरांलाइया, जो बयबो आंगो खालाम।  
सानसेयारि बड'सा मावखुलि  
माइबं नोगार, जोहोलाव दैमालु लामा  
कक्राझार, बिटिस-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Friday ★ 23 October, 2020 Kokrajhar, BTC, Assam ★ Vol.- 30, Issue No. 209 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## दुर्गा फुजानि मुडै राइज्यो बैंगिरि आरो दारिमिन मन्थिआ गाहाम हामब्लायनाय हरदों

दिसपुर, 22 अक्टबर:  
आसामनि राइज्यो बैंगिरि  
प्रफेसर जगदिश मुखिया दुर्गा  
फुजा फोर्बोनि समाव राइज्योनि  
गासै थागिबि सुबुंफोरनिमिस  
गावनि गोसो गोर्बोनिफ्राय  
गाहाम हामब्लायथि बाउहरदों।  
गावनि मोनसे हामब्लायथि  
रादाबआव राइज्यो बैंगिरि  
मुखिआ बुंदोदि, दुर्गा फुजाया  
सुथुरनि हेंथायै देहासारनायनि  
(□ 5 बिलाइआव)

## गुवाहाटी गनेशगुरि सारिआलिनि आरजि बरुवा लामानिफ्राय बिष्णु राभा फ्लाइ अभार फोनांजाब लामाखौ गिबि मन्थिआ बेखेवबाय

गुवाहाटी, 22 अक्टबर: गिबि गनेशगुरि सारिआलिनि आरजि फ्लाइअभारजों नांजाबनाय होनाय फ्लाइअभारखौ हाबाफारि  
मन्थि सर्बानन्द सनवालआ दिने बरुवा रडनिफ्राय बिष्णुराभा गोदाने लुफुनाने आबुं महर बादिदे बेखेवना होनायै राइज्योनि  
थाखाय मोनसे गोनां सिबिथायखौ अन्थोब महरै होदों। मख'नो गोनांदि, गासै 425.50 मिटर गोलाव बे फ्लाइ  
अभार दालांखौ थांनाय 2018-19 बोसोरनि राइज्यो सरकारनि जौगाखां पुन्जनिफ्राय गासै 58.74 कौटि रं बाहायनायजों  
पिडब्लिउडि बिफानआ लुफुनाय जादोंमोन। बे फ्लाइअभार दालांखौ 2019 माइथायनि 6 मार्चआव गिबि  
मन्थि सर्बानन्द सनवालआ गायसन्दोंमोन। बे फ्लाइ  
(□ 5 बिलाइआव)



## फैगौ सानथामनि गेजेराव आसाम आरो सा-सान्जायाव गोब्राब अखा हानो हागौ: बोथोर बिफान

गुवाहाटी, 22 अक्टबर: बे फोर्बोखौ सिगां बोसोरनि बोसोराव कभिड-19 नि बादि गाजा-गोमजायै जाहोनाव दुर्गा फुजा फालिनो नडै समनि

गेजेरावो आसामजों लोगोसे सा-सान्जानि माखासे राइज्योफोराव फे गौ सानथामनि गेजेराव रोजा अखा हानो हागौनि मोन्दांथि लादों बोथोर बिफानआ। बोथोर बिफाननि खंफोरथि होनाय बादिब्ला फे गौ सानथामनि गेजेराव त्रिपुरा, मेघालय, आसाम आरो सोनाब बंगखौ लाफानाने सा-सान्जा ओन्सोलाव रोजा अखाजों लोगोसे बारहुंखाबो फे नो हागौ। बेनि थाखाय बोथोर बिफानआ आसामजों लोगोसे सा-सान्जा राइज्योफोरखौ सांग्रांथिबो होनाय जादों।□

॥ बन्द फोसावनाय ॥  
दुर्गानि फोर्बो दुर्गा फुजानि थाखाय सानसेयारि बड'सा मावखुलिया 23 निफ्राय 25 अक्टबरसिम बन्द थागोन। बेखायनो सानसेयारि बड'सा लाइसिया 24 निफ्राय 26 सिम नुजानाय नडा। उननि बिसानया 27 निफ्राय सिगांनि बादिनो नुजालांफिनगोन।  
दिहुनगिरि सानसेयारि बड'सा

:गाहाम हामब्लायनाय:  
दुर्गानि फोर्बो दुर्गा फुजानि मुडै सानसेयारि बड'सा खौरांलाइनि मावफारिया, स्टाफ, एजेन्ट, हकार, लिर्गिरि, फरायगिरि आरो गाहाम अन्सायारिफोरनिमिस गाहाम हामब्लायनाय जासिहरबाय। मिर्जिथियो फुजा फोर्बोया गात्रि गोहो, गात्रि भाइरासखौ फोजोबसांनाने लुहुमनाडैनो सुबुं समाजो देहासादनाय लाबो नो हागोन आरो गोजोन थासारि गायसन्नाने फारफ्रोम बिथिखवोनो जौगानाय लाबो नो हागोन होनायै मिर्जि थिबाय। सुजु आफद सानसेयारि बड'सा

## मुलुगनाडै करना सन्देरनाय सुबुंनि बिसानआ 4.14 कौटिसिम बांहेबाय

वाशिंग्टन, 22 अक्टबर: सन्देरनाय बिसानआ दासिमबो मुलुगनाडै करना भाइरासजों गोखोडै बांसिनगासिनो सन्देरजानाय सुबुंफोरनि थानायखौ नुनो मोन्दों। गोदाने फोसावनाय मोनसे कौटिनि बांसिन जाहैबाय। एरैहाय 3 कौटि 9 लाख 2 रोजा 225 सुबुंफोरा फाहामथाय लानायनि उनाव बे गिखंथाव भाइरासिनफ्राय उदां जानो हादों। बेराफासै दुखु नांथाव बाश्रादि, बे गिखंथाव भाइरासजों गाग्लोबजानाने दासिम 11.35 लाखनि बांसिन सुबुंफोरा जिउ गोमाबाय। इउरप हादतफोराव करना



## हादतआव कभिडजों सुबुंफोरनि सन्देरनाय पजिटिभ केसआ खमायदों (24 घन्टायाव 3.82 जौखोन्दो बेरामिफोरखौ मोन्दों)

गोदान दिल्ली, 22 अक्टबर: कभिड-19 जों सन्देरजानाय थानाय सानबानि गेजेराव 6.37 जौखोन्दोनिफ्राय खमायनाने पजिटिभ केसआ गोखे गाहायाव 3.82 जौखोन्दोसिम फैदों। 24 फेदों एबा खमायगासिनो दडा।

कक्राझार/गसाइगाव, 22 अक्टबर: हिन्दु धोरमारिफोरनि गुबुन मोनसे देरसिन फोर्बो दुर्गा फुजाया दुलाराय राइज्योजों लोगोसे आफां आसामनि कक्राझार जिल्लानि सिडव गुबुन गुबुन फुजा कमिटिफोरनि बान्जायनायाव दिनेनिफ्राय जागायजेनबाय। कभिड-19 महामारिनि जाहोनआव राइज्यो सरकार आरो जिल्ला खुंथायफोरनि गोनांथार आइन  
(□ 5 बिलाइआव)



## गामियारिफोरा गौरां दैसानि सायाव औवानि दालां लुफुदों

कक्राझार, 22 अक्टबर: बि टि सि खुंथाय आरो आसाम सरकारआ कक्राझार जिल्लानि सिडव थानाय कमलाचारायाव गामियारिफोरा अजद होनाय बादिब्ला गौरां दैसायाव दालां गैये आरो मोजां रोखोमनि लामा  
(□ 5 बिलाइआव)

आइन बेरेखायै दंफां हाखावग्रा मील आरो जौ बानायग्रा मिरुखौ सिमफायदों  
गसाइगाव, 22 अक्टबर: तामाहाट पुलिसनि बिबानगिरि महमद नुरुल हुसेइनि दैदेनायाव गसाइगाव महकुमानि सिडव थानाय आसाम-बंग सीमायाव मैया आइन बेरेखायै दंफां हाखावग्रा मील आरो हादरआव बानायनाय जौनि सेन्टरखौ बोखदों। दासिम बे  
(□ 5 बिलाइआव)

## दुर्गानि दुर्गा फोर्बोनि मुडै गिबि मन्थि सनवालआ राइज्यानि सुबुंफोरनां गाहाम हामब्लायथि हरदों

(कभिड-19 नि बे गोब्राब समाव फालिनो लानाय दुर्गा फोर्बोखौ देहायारि बिथिनि सुबुरुनखौ मानिनाने सोलिनो गिबि मन्थिआ खावलायदों)

दिसपुर, 22 अक्टबर: दुर्गा फुजा फोर्बोनि लोब्बायै गिबि मन्थि सर्बानन्द सनवालआ आसामनि मोनफ्रोमबो थाखोनि सरासन्सा सुबुंफोरनिमिस गोजोन हामलायथि जासिहरदों। गांसे हामलायथि बिलाइयाव गिबि मन्थि सनवालआ बुडोदि, मुलुगानि गेजेराव नो गोजाम भारतनि सैथो-हारिमुनि गाहाय बिहोमायानो जादों गोसोयारि सा-थौ जिउनि सिबिनाय। गोलाव बोसोरनिफ्रायनो भारतनि सुबुं जिउखौ गोखोसिन खालामनाने आरो सुबुंथिनि गेजेरजों फसनाय मोनसे जौगाखां समाज हिंसाबै सिनायथि जाबोदों। जौनि सुबुं जिउआव फोर्बो फालिनाया अयय सम

बिहोमा होलादों। गिबि मन्थिआ बुडोदि, दुर्गा फोर्बोआ मोनसेल' धोरेमनि थाखायल' फोर्बो नडा बेयो जादों अन्नाय, बिदा-फंबाय सानलायनाय आरो गुबुन गुबुन सुबुंथि जिउखौ दुलाराय मोनसे गोरोबलायनायनि फोर्बो। बे फोर्बोआ जादों नंखायखौ नेवसिगारनाने सैथोखौ फसंथानायनि मोनसे मुगा देहानाय फोर्बो। गिबि मन्थिआ मिर्जिथियोदि, दुर्गा फोर्बोनि गेजेरजों जौनि गेजेराव गोवां गोजोन, थासारि, अन्नाय आरो बिदा-फंबाय सानलायनायनि गोहोखौ बांसिन गोखो खालामनायनि फासै साफ्रोमबो खौसेथियै खामानि मावनायनि  
(□ 5 बिलाइआव)

## कक्राझारनि दाब-दाब जायगायाव इउ पि पि एलनि सिबस्रानाय हाबाफारि

कक्राझार, 22 अक्टबर: साखोन-सिखोन एबा प्रमद बर' दैदेनाय इउ पि पि सिबस्रानाय हाबाफारि एल राजखान्थि हान्जाया दिनेनिफ्राय बि टि आर हालामाव दाब दाब जायगाफोराव  
(□ 5 बिलाइआव)

गौरां दैसानि सायाव दालां एबा लामा लुफुनायनि जेबो राहा लायैनि सायाव दुखु मोन्नाय फोरमायनाने गामियारिफोरा दिने गावसोरनो खौसे जानाने गावसिन थालाय-फैलाय एबा हान्था-मैला सुबिधानि थाखाय औवानि दालां लुफुनाय जायो।

## इउ पि पि एलआ मोन 33 मासि देरहानाने सरकार दागोन: प्रतिभा ब्रह्म

कक्राझार, 22 अक्टबर: कभिड-19 नि साग्लोबनायनि जाहोनाव थांनाय 4 एप्रिल अक्टखालि खुंजानो गोनां बिसायख'थिखौ दोनथनाया दिनेंसिम 7 दान बारलानायनि उनाव बि टि सि बिसायख'थिया फैगौ डिसेम्बर दाननि गेजेराव खुंजानो हासिगौखौ बयबो आसा खालामदों। बेनि गेजेराव खुंजानो बि टि सि बिसायख'थिखौ नोजोर होनायै  
(□ 5 बिलाइआव)



**NERIM**  
Esttd. 1992  
**GROUP OF INSTITUTIONS**  
Affiliated to Dibrugarh University, Gauhati University & ASTU  
Approved by NCTE, BCI & AICTE, MHRD, Govt. of India

Admissions open for all the programmes through Online and Offline mode. Admission shall be made as per prescribed regulation of the concerned University.

**MBA** **M.Sc.** (Computer Sci)  
**MCA** **MA** (App. Psychology)  
**M.Com** **LLB(H)**  
**MSW** **B. Ed**  
**MA(Education)** **LLM**

For working personnel:  
1. MBA (Part Time) {online class on  
2. PGDM {Saturday & Sunday}

Under Graduate courses  
**BBA** **BCA**  
**B.Com(H)** **BSW** **BALLB(H)**

For outstationed girls: A delux hostel (single seated rooms with AC, TV, Attached bath, hot water) is available.

For details, kindly visit our website Or may contact Admission Counsellor on  
9864750000 / 9954190758 / 9954051419.  
Prof. (Dr) Sangeeta Tripathi, Director, NERIM  
Padma Nath Sarmah Bhawan, Jayanagar, Khana-para, Guwahati -781022  
www.nerimindia.org nerimindia@gmail.com

# सुजुगिरिनि खोलोम फोर्बोनि समाव फेग्रा मुवा

दासान्दि फुजानि बोथोर सौफैहांबाय। बोथोराबो गोजाख-गोलोमा थासारियाव फैहांबाय। बेराफासै करना भाइरासनि थाखाय गोलाव सम लकडाउन फोसावनाय समाव न' सिडवको सुबुफोरा हाबसोनानै थानांगोबो जादोंमोन। बेनि थाखायनोथ' दिनेनि समाव जौनि हादतनि सुबुफोरा करनानि गिथावना महरै सन्देरनायनिक्राय रैखा मोनोबो हादों। बोथोरा गुस्लायबाय, थासारियाबो सोलायनाय फैबाय आरो करनानि साग्लोबसार सन्देरनायाबो लासै लासै जिमाय बोनो लाबाय। बेनि जाउनाव लास्त्रियैनो आनलकबो फोसावनानै सुबुफोरनो उदाडै आंखारनो हानाय, हाबा मावनो हानाय आरो लासै लासै हाथाय-बाजार आरो सोलोंथाय फसंथानफोर खुलिनानयिनबो गनायथि मोनो हम्बाय। बिब्दि थासारि फैफिन्यायजों लोगोसे फुजा बोथोराबो सौफैबाय। फुजाखौ फुजा होग्राफोरा गावसोरनि फोथानायखौ सिबिनो थाखाय खुडो। नाथाय बेजों लोब्बा लानानै माखासेफोरा रंजानाय-बाजानायाव गफबनानै बाइदिसिना समाज बेरेखा मुवाफोर बाहायनानै गावजों लोगोसे समाजनि थासारिखौ गुबुले खालामनायनि लामा होयो। बिब्दि हाबा-हुखानि हँथायै सिगां समनिक्रायनो माखासे समाजयारि आफाद आरो फसंथानफोरा बाइदिसिना राहाफारिनि गेजेरजों समाजनि साफ्रोमबो सुबुफोरखौ फुजा-फोर्बोनि समाव फेग्रा मुवाफोरनिक्राय जानगराव थानो सांग्राथि होबोनाय नुनो मोनबोदों। समाजयारि आफादफोरनि बिब्दि सांग्राथि होनानै फेनाय बादिनो देग्लायबो दुलाराय लाइमोन बाथौ गौथुम आफादया समाजनि साफ्रोमबो सुबुफोरखौनो फुजा बोथोराव आरो फुजानि मुडै बाइदिसिना समाज बेरेखा जुवा गेलेनायनिक्राय लानानै गुबुन गुबुन जाथोनि फेग्रा मुवा लानाय-आजावनाय आरो मेलाफोरिव नांथारैयाव बेरायथिनानै रं-रुपा आद्रि खालामनायनिक्राय गोजानाव थानानै समाजनि गिलिद बिबान रुजुनो खवलायबोदों। बेराफासै खुंथाया आनलक फोसावनानै सुबुफोरखौ गसंथानो हानाय बादि थासारि लाबोफिनो हाथाय-बाजार बेखेवफिन्यायनि राहा होदोंब्लाबो नाथाय सुबुफोरखौ करनानिक्राय रैखाथिये लाखिनो हानाय बादि समाजयारि जान्थायखौ मानिनानै सोलिनानय, माक्स गान्नाय आरो अराय सम जेब्लानो खाबु मोनो अब्लानो आखाइ सुनानै सांग्राथियाव थानायखौ गोर्नाथि होदों।

थासारिया बेखौबो हास्थायदों-करनानि बे बोथोराव नांथारैयाव मेला-फोर्बोयाव थानानै गावखौ रैखाथि गैये खालामनानै लानायजों लोगोसे रंखाउरि आद्रि खालामनायनिक्राय न'यावनो रैखाथियै थानाया गहामसिन।

## दिनेनि फानजायुधि

**राशि बाइदियै मुनि गिबि हांखो**

मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** बायदिसिना रोखोमनि मोजां हाबा मावनानै लानो हागोन। जैरेबो जौगाखानो हागौ। मोजां दिन।

**वृष:** देहा गाजनि थाखाय महर मुझिआ खहा जालानो हागौ। फाहामगिरिनि सुबरुन लायोब्ला मोजां।

**मिथुन:** गथ'-गथायनि थाखाय जिगा सिनांनो हागौ। गोसोखौ हम्थानाया मोजां।

**कर्कट:** दिनेनि दिनाव सान्थि गैयेजोंनो समखौ बारग' होनांनो हागौ। सान्नाया जाफुंनय नड।

**सिंह:** फालांगि मावनायाव रांखावरि मुलाम्फा खालामनो हागोन। फारफ्रोमथिंनो मोजां।

**कन्या:** 12 रिगानिक्राय मोजां सुभ खामानि मावनानै लानो हागोन। धैय्य हम्थानै माव।

**तुला:** माबाफोर बेरामाव गोलैबायनो हागौ। देहाखौ जोथोने लाखिनाया गहाम।

**वृश्चिक:** मानिबा जाहोनाव रांखावरि खरसा खालामनानो हागौ। हम्थानानै रां बाहायनाया मोजां।

**धनु:** बेपार-फालांगि माबोब्ला रांखावरि मोन्नाय आसा दं। सम आरो बोथोरखौ औरैनो दाहगार।

**मकर:** नख 'रनि माबाफोर मावनो गोनां दंबा मावनानै लानो हागोन। जिउआव जौगानाय लाबोगोन।

**कुम्भ:** माबा मोनसे जाहोनि थाखाय रांखावरिनि जिगा सिनांनो हागौ। गोसोखौ लोरबां दाखालाम।

**मीन:** फुजानि बन्द समाव बहाबाफोर दावबायनानै गोजोन्नाय लानो हागोन। मोजां दिन।

# गेदेमा थुनलाइगिरि धरणीधर औवारी रुंसारि जानायाव बर' थुनलाइयाव गोबां खहा जाबाय

**-राखाव बसुमतारी**

बर'फोर नि रांखाइन्थियारि - आरो समाजखान्थियारिनि सासे गोखों नोजोरगिरि - \*मैहुर\* सल'मा लिरगिरि गेदेमा धरणीधर औवारी रुंसारि जानायाव बर'फोरा सुफुंख' हायै खहा जाबाय। बिथां गेदेमानि थुनलाइयाव सोरजिनाय आरो बाइदि बिथिडव बर' हारिनो बेसेनगोसा बिहोमा होलांबाय। थारैनो इयुन जोलैया रुंसारि औवारीनि बागै मिथिनयनि गोर्नाथि दं।

गेदेमा थुनलाइगिरि धरणीधर औवारीआ 1948 मायथाइनि 4 डिसेम्बराव आथिखालनि बाक्सा जिल्लानि लुवासुर मुनि गामियाव जोनोम दोंमोन।

बिमा-बिफानि मुड फारियै चन्द्र कान्त औवारी, दुबिबाला औवारीमोन। आथिखालाव बिथां गेदेमाया रुंसारि जाजासिम माइनाव मुनि गामियाव निगाजियै न' लुनानै दंमोन।

असमीया थुनलाइयाव बिथां गेदेमाया एम ए आरो बि.एड.बो दंमोन। जिउ खुंराहाया फोरिंगिरि साखि मावदोंमोन। कालपानि हालामनि बाहबारि गोजौ फरायसालियाव गाहाइ फोरोंगिरि साखि मावनानै 2009 मायथाइयाव आजिरा मोन्दोंमोन। फोरोंगिरि महरै बिथां गेदेमाया गोबांथार फरायसाफोरखौ गावनि आथिडव फसंनो हालांदोंमोन

आरो सोलेंथाइनि सांजों गोदोसोनाय हालामखौ जोंखं होदोंमोन। सोरानि लामाजों थाबायलानो खाबु होदोंमोन। थुनलाइयाव लिरथुनफोर :- औवारी गेदेमाया बर' थुनलाइ मुलुगाव आखाइ होजेनदोंमोन खन्थाइ लिरनायजों। असमीया थुनलाइनि थुनलाइयाव बिदै मोनलौनानै जानो हागौ बिथां गेदेमाया बर' रावआवबो खन्थाइ लिरनो लादोंमोन। बेनिनो जाउनाव बिथां गेदेमाया-मौदै (खन्थाइ बिजाव, 1971) सोरजिदोंमोन। बे सम खोन्दोआव बर'फोरा रमान हांखोनि थाखाइ हांगामा खालामदोंमोन। बेनि खुसेरनायखौ बे मौदै खन्थाइ बिजावव मोनदाडो। खन्थाइल' सोरजिनानै गोजोन्नाय मोनिलाय सुंद' सल'बो सोरजिलाडो। गान्दु सिनि लाइजाम (1979) मुनि गांसे सुंद' सल' जथायनाय बिजाव दिहुन लाडो। सल'फोरा फरायनो गोथाय आरो सुबुं माहारिनि आंगो सान्नाय हनायफोरानो बे बिजाबनि इसिडव थानाय आखुथाइफोरा बेरखोंदों। Fiction लिरनायाव जैरे आखाइ गोनांमोन- बिदिनो सल'मा सोरजिनायावबो आखाइ गोनांथारमोन। मख'जाथायदि, बिथाडा गांसेल' सल'मा सोरजिदोंमोन, सल'मानि मुड 'मैहुर'। बेखौ फोसावदोंमोन 1980 मायथाइयाव।

बे सल'माखौ असमीया आरो इराजि रावआव रावस्तलायनाय जाबाय। आरो बेखौ सावथुनबो बानायनाय। थारैनो बर'फोरनि इसिं सावगारिखौ बे सल'माआव मोनो थाडो। मानास हालामाव जुगामियै रायजो जानाय बर'फोरनि असे समाजारि सावगारिखौ मोनो हायो। सल'माब्लाबो बर'फोरनो रइजो जानाय आरो सेंग्रा-सिख्लाफोरनि थोलायनायनि गोथौ सानसिया बेरखाडलसेनो थायाखै। थामजिनै बेसोआवनो बे सल'माखौ औवारी गेदेमाया लिरदोंमोन। बिथाड सोरजिलु थुनलाइ सोरजिनायावल' आखाइ होयाखैमोन। थुनलाइयाव सावरायनाय, थुनलाइयाव बिजिरनाय हाबाखौ सें-सें मावफाबोयो। बेनि मोजांथार फोरमायना जाबाय- 'बर' थुनलाइनि महर' (2004)। बे बिजाबनि गेजेरजों बर' थुनलाइनि बाइदि बिथिंखौ सावरायदों। थारैनो बिजाब लोब्बायारि बिजाव (रेफारेन्स) महरै फरायसा, फोरोंगिरि, समसोमरा, संजिरथाइ लिरनाय आरो फरायथौनायाव मैखोम बाहागो लाबोदों। बेनि बेसेनखौ फंसेयै बुंनानै फोजोबनो हाया। बेनि अनगायैबो गोबां बेसेन गोनां लिरबिदां आखाइ रेबदां महरै थालांदोंबो जानो हागौ।

गावनि सोरजिलु गोहोखौ मुखुब खालामनानै लाखिनो थाखाय औवारी गेदेमाया जेब्लाबो नाजाबोयो। जाउनाव थुनलाइयाव सोरजिया थाद'बालासै जिरि बोयो। गोथेनाय लामायाव गोदान आगान' सुंद' सल'या ओखारबोयो। थारैनो बेयावबो गोबांथार खुथि नाथि गोरा मोनो हायो।

सल' खन्थायाव आदबा नोजोर गोनांथार। खन्थाइजोंनो गेदेमा बिथाडा थुनलाइनि फोथाराव ओंखारबोदोंमोन। बेखायनो-दासिमबो गामिनि सिमां नुनो हायो मुनि खन्थाइया औवारी गेदेमानि आखाइयाव सोरजिजायो। बर' असमीया आरो इराजौ रावनि सायाव आखाइ दंमोन। बेनि सायाव थुनलाइयाव आखाइ गोनां थुनलाइगिरि औवारीआ असमीया रावआवबो गांनै बिजाव लिरनानै गालाडो। रायथाइ, खन्थाइ, सुंद' सल', सल'मा, रावखान्थि आरो रावखान्थियारि बिथिडव बिथां गेदेमाया गोबांथार बिहोमा होनानै बर' थुनलाइनि महरखौ फोजौनानै दोनलांबाय। बे बिथिडे बिथां गेदेमाखौ संसोमनायनि गोर्नाथि दं।

बिथां गेदेमाया बर' रेवग्रा जथुमनि ब्रैथि आफादगिरि मोन। बिथांनि समनिक्राइनो बर' रेवग्रा जथुमाया गोदान जिउ मोन्दोंमोन।

बेफोरनि अनगायैबो औवारी बिथाडा गोबांथार NGO थुनलाइयाव गौथुम, फरायसालि बाइदि गायसंजानाय फसंथानफोरजों एंगारनो हायै गोथौ सोमोन्दो दंबोमोन होनानै मिथिनय जायो।

NGO: Wild life Conservation : Honorary Wild life Warden from 1999 to 2000 मायथाइसिम हाबा

मावबोदोंमोन जाय गोथानि सानथौया "मैहुर" सल'मायाव रोखायै बेरखानानै दं। बर' थुनलाइ आफादनि खुगा लाइसि \*The BODO\* निबो मोनसे समाव गाहाइ सुजुगिरिनि बिबानखौ रुजुन्नानै बर' थुनलाइयाव जारिमिन सोरजिनायाव बिहोमा होबोदोंमोन।

बेनि अनगायैबो औवारी गेदेमाया Convener : \* Common Language Standardisation Committee\* बिबान रुजुनदोंमोन। आरोबाव जोलैगुदि बर' आरो डिमासा रावनि फ्राइ बिजाव सुनायनिबो लिंथुमगिरिनि बिबान रुजुनदोंमोन (Convener : Dimasa Bodo Text Book Preparaton Sub Committee) नाथाइ बे हाबाफारिया मानिबा जाहोनाव फेलें जादोंमोन। इसिडव गोबां जारिमिन दं। बेफोरखौ बुरल'नो गोनां गैलिया। बे समनि बोखाव जायि- बरपेटा जिल्ला बर' थुनलाइ आफादनिबो फारियै खन्थाम (3) आफादगिरि महरै बिबान रुजुनबोदोंमोन। (1975--1977, 1978--1980, 1981---1983)

थुनलाइयाव बिन्था मोन्नाय :- बिथां गेदेमानि सोरजिथाइफोरखौ गनायथि होनानै गोबां मान बिन्थाबो आवथायनो हादोंमोन। जैरे- (1) बर' थुनलाइ आफादनिफ्राय समेश्वरी ब्रम्प थुनलाइयाव बिन्था (1997), (2) असम सरकारनिक्राय थुनलाइयाव बिन्था (2011), पेन्सनार महरै होनाय, (3) बिटिसिनिक्राय मानगोनां प्रमद चन्द्र ब्रह्म- हायेननि सुफिन- थुनलाइयाव बिन्थाबो मोन्दोंमोन। (4) बेनि अनगायैबो औवारी गेदेमाया इखं वेलफेयार स'साइनिफ्राइ (बिजनी) बोसोरनि सुबुं बिन्था (2019) बो मोनो हादोंमोन।

गेदेमा औवारी बिथाडा गावनि "रेंगियान'खौ बाइदि लाइसि, बिसम्बिक्राव बानगोनाडैबर', असमीया आरो इराजि रावजों लिरनानै फोसावदोंमोन। बिथांनि बिदि जोबनो गैथि बिहोमा होनाया गावनि हारोंथाइजों खन्थाइ, रायथाइ, सुंद' सल', सल'माफोरनि सायाव बिजिरदों आरो जाफुंलांदोंमोनबो।

बिथांनि मोनसे खोथाखौ राखाडब्ला फाफनांगोन। बिथां गेदेमाया हरदम गइ जानायमोन। रावनिबो खाथियाव गइ मोनाब्लाबो औवारी गेदेमानि खाथियाव गइखौ मोनथानायमोन। आंखौबो बिथां गेदेमाया खाथियाव जिरायस्ताब मोने गइ दिहुनानै होयोमोन आरो बुडेमोन- नै जादों फंबाया।

आंबो जोबोद मान होनायमोन। जिउ जोबजासिम थुनलाइनि खोथा सानग्रा गेदेमानि रुंसारिनायाव (20 आगस्ट 2020 मायथाइ, सम मोनानि 8.30 आव) बर' हारिया गोबांथार खहा जालांबाय। इयुन जोलैया बिथांनि सोरजिथाइखौ सनानै दिहुनथोंसे।

## 1986 याव बिजेपियाव हाबदोंमोन राजखान्थिनि 'चाणक्य' अमितआ

गोदान दिल्ली, 22 अक्ट'बर : मिरुनि नख'रि मन्थि अमित शाह आ गावनि राजखान्थि केरियारआव माब्लाबाबो बिसायख'थिखौ जेनफेराखै। 1997 याव उफ्रा बिसायख'थियाव देरहानायनि उनाव अमित शाहया सरखेज मासिनिक्राय 1998, 2002 आरो 2007 याव देरहानो हादों। 2012 नि बिसायख'थियाव अमित शाहआ गावनि मासिखौ सोलायदों आरो नारनुपुरा बिधान सभा मासिनिक्राय देरहानानै बिधान सभायाव सौहैदों। बेनि उनाव अमित शाहया 2019 याव जानाय सरासन्सा बिसायख'थियावबो देरहानो हादों। 12 जुन 2013 याव अमित शाहआ बिजेपिनि जागायजेनानयनि उनाव गुजरात इउ नि भा'सि'टि नि फ्र 1य बायकेमिस्ट्री ( बि.एसचि) देरहानो हादोंमोन। फोरोंगिरि गेजेयाव 10 था मासिफोराव' देरहानो हादोंमोन। बे देरहानायनि उनाव अमित शाहनि गोहोया बांदों आरो बियो जुलाइ 2014 याव पाटिनि गहाय आफादगिरि जायो। 2019 नि बिसायख'थियाव अमित शाहआ बिजेपिनि गहाय आफादगिरि जानानै पाटिखौ खिन खनेबाव गोबां भटजों देरहा होयो। बिजेपिआ बयनिखुडुबो देरसिन जाफुंसारनायखौ इउपि आरो सोनाव बंगयाव मोनो हादों। 2019 सिम लक सभा बिसायख'थियाव अमित शाहआ गान्धीनगर मासिनिक्राय बिसायख'थियाव देरहानो हादों। बेनि उनाव बिखौ गहाय मन्थि नेन्द्र मदिआ गावनि नैथि हाबाफारि मावनाय समाव नख'रि मन्थि बानायो।

## दुर्गा पुजा पेन्डालाव सनु सुदनि मुर्ति लगायनानै जेंनायाव

गोदान दिल्ली, 22 अक्ट'बर: बलीउड फावखुंगुर सनु सुदआ करना जेंनानि समाव सुबुंफोरनि थाखाय राफोदाय महरै सोरडव फेदों। बियो सुबुंफोरखौ जेंनानि समआव गाव गावनि न'याव दैथायहरदों। गोबां सुबुंफोरनो सनु सुदआ साखिबो होदों।

बेजों लोगोसेनो बियो टुइटरनि गेजेरजों एखराहेयै सुबुंफोरजों सोमोन्दो लाखिबाय थायो। बेबायदि सिबिथाय होनायनि थाखाय हादत गुबुन हादतआव सुबुंफोरा बिखौ गोबां बाखनायो। बेनि अनगायै माखासे सुबुंफोराथ' सनु सुदनो भारत रत्न बिन्थाखौ होनोबो दाबि दैखांदों।

बेबायदिनो माखासे सुबुंफोरा कलकातायाव मुर्ति पनडाल लागायनानै सनु सुदनो साबायखर बावदों। मख'नो गोनांदि, कलकातायाव मोनसे दुर्गा पुजा समितिआ गावसोरनि पुजा पनडालआव सनु सुदनि मुर्तिखौ लागायदों। बेबायदि खालामनानै सुबुंफोरा बिनो भगवाननि जायाग होदों। मुर्ति पनडाल लागायग्रा पुजा समितिनि मुड प्रफुल्ल कन्नन वेलफेयार एस'सिएस। बे सुबुंफोरा गावसोरनि पनडालनि टीमखौ 'प्रवासी मजदूर' दोन्दों। गावसोरनि पनडालआव बे सुबुंफोरा सनु सुदखौ सन्मानबो होदों। कमितिनि मेम्बार सून्जय दत्तआ बुंदोंदि, फावखुंगुर सनु सुदनि मुर्तिखौ लागायनाय जादों, जाहाथे सुबुंफोरा बिनिफ्राय थुलुंगा मोनो। लोगोसेनो सनु सुद बायदिनो आरोबाव माखासे सुबुंफोरा गोर्नाथि जानाय सुबुंफोरखौ मदत खालामनो थाखाय आवगयबोयो। समितिनि बे थांखि लानायाव फावखुंगुरआ गावनि रि'एक्सनखौ होदों। बियो टुइटरआव लिरदों आनि दासिमनि बयनिखुडुबो देरसिन एवाडं। फावखुंगुरनि बे टुइटरआव सुबुंफोरा गोबां कामेन्ट खालामनानै गाव-गावनि फिन्जाथायखौ होदों। सनु सुदनि फेन्सफोरा बे बाथाखौ लानानै गोबां गोजोन्नायखौ फोरमायदों।



## एलपिज सिलेन्डरनि हम डेलिभारि सिस्टेमआ सोलायसिगोन

गोदान दिल्ली, 22 अक्ट'बर : फेगो से नबेम्बरनिक्राय एलपिज सिलेन्डर लानायनि नेमखांन्थिया सोलायसिगोन। सिलेन्डरखौ अटिपि गैयाब्ला मोन्नाय नंलिया। संग्रा गेस सिलेन्डरनि हम डेलिभारिनि हाबाफारिया सिगांनि बादि थानाय नंला। मिडिया रिपटनि बादिब्ला, सिखाव खानायखौ होवथानो आरो थि बाहायगिरि (कास्टमार)खौ सिनायथिनो थाखाय थाव कम्पानिफोरा गोदान एलपिज सिलेन्डर गोदान डेलिभारि सिस्टेमखौ सोलिहोनो नागिरदों। बे गोदान सिस्टेमखौ डि'एनसि थामहिन्बा, डेलिभारि आइडेन्टिफिकेशन कड दोन्नाय जादों। गिबि गिबियाव गासै गं 100 स्मार्ट सिटिफोराव बे सिस्टेमआ सोलिगोन। बेनि उनाव गुबुन सहरफोराव सोलिगोन। जयपुरआव बेनि पाइलट प्रजेक्ट आव सिगांनिक्रायनो सोलिगासिनो दं। बुकिं खालामहरनायनि उनाव सिलेन्डरआ डेलिभारि जानाय नड। रेजिस्टर्ड मबाइल

गोदान डेलिभारि सिस्टेमखौ सोलिहोनो नागिरदों। बे गोदान सिस्टेमखौ डि'एनसि थामहिन्बा, डेलिभारि आइडेन्टिफिकेशन कड दोन्नाय जादों। गिबि गिबियाव गासै गं 100 स्मार्ट सिटिफोराव बे सिस्टेमआ सोलिगोन। बेनि उनाव गुबुन सहरफोराव सोलिगोन। जयपुरआव बेनि पाइलट प्रजेक्ट आव सिगांनिक्रायनो सोलिगासिनो दं। बुकिं खालामहरनायनि उनाव सिलेन्डरआ डेलिभारि जानाय नड। रेजिस्टर्ड मबाइल

नाम्बारआव मोनसे कड दैथायहरगोन, बे कडखौ डेलिभारि होफेग्रानो दिन्थियाब्ला सिलेन्डरखौ मोन्नाय नड। मख'जाथावदि, गोदान सिस्टेमजों बै कास्टमारफोरनि जेंनाया बांगोन जायफोरनि थं आरो मबाइल नाम्बारआ गोरोन्थि। बेनि जाहोनाव बै सुबुंफोरनि सिलेन्डर डेलिभारि खालामनायखौ होवथानो हागौ।



## आसाममा मिज 'रामनिफ्राय गावसोरनि सान्निफोरखौ लाबोफिन्नायनि थांखि लादों

शिलचर, 22 अक्ट'बर : आसामनि नख'रारि सेक्रेटारि ज्ञानेन्द्र देब त्रिपाठीनि आर'ज गाबनायाव गावसोरनि सान्निफोरखौ लांफिन्नाय थांखिनि सायाव गनायथि होयो। अदेबानि थांनाय बुधबारखालि बुंनाय जथुमायाव नख'रि बिफाननि जुथाइ सेक्रेटारि सत्येन्द्र कुमार गर्ग, नख'रारि सेक्रेटारि मिज'राम पिआइ लालाबाइकाशी आरौ आसामनि न'खरारि सेक्रेटारि ज्ञानेन्द्र देब त्रिपाठीआ बाहागो लायो। बेयाव

बिथां त्रिपाठीआ खौरंगिरिफोरनि सिगाडव बुडोदि, आथिखालि थासाखि नोजोर होनानै जों मिज'राम सरकारनिफ्राय आसामनि सान्निफोरखौ लिहरफिन्ना आर'ज गाबनाय, जायखौ बिसोर थिसन्दोंमोन। बेराफासै मिज'राम सरकाराबो जौनि आर'ज गाबनायनि सायाव गनायथि होबाय। बेनिखायनो सान्निफोरखौ थिसन्नायनि जेनाखौ सुम्रानाय जाबाय। अदेबानि आसाम सरकारनि बिबानगिरिया बुंनाय

बायदिब्ला, सान्निफोरखौ बेयावनिफ्राय थाबै नो लिहरफिन्नाय जासिगोन। बेनि गेजेरजों जुथाय सेक्रेटारि एमएइसए गर्गआ जथुमाखौ जाफुसादों होनानै फोरमायदों। बेनि अनगायै त्रिपाठीआ बुंनाय बायदिब्ला, मोनैबो बाहागोआ गोजोन गैयै ओन्सोलफोरार गोजोन आरौ सरासन्ना थासाखि सोलिहोनो थाखाय जथुमा खालामाना नै बुडोदि, सिमनाजों नांजाबनाय मिज'रामआव आसामाव

थाबथानानै थानाय गोनांथि गोनां मुवा-बेसादफोरखौ लानानै थांग्रा ट्राकफोरनि थांलाय-फै लायखौ जागायफिन्ना नोजागासिनो दड। बेनि सिगां, गोजोन थासाखि लाबोनो थाखाय आरौ थांनाय शनिबारनि हराव आसामनि सिमनायाव थाबथानानै थानाय ट्राकफोर आरौ गारि मटरखौ लांफिन्ना थाखाय हारिमायारि सिमनानि खाथियाव थानाय लायलपुराव नख'रारि सेक्रेटारि थाखोनि सावरायलायनाय जायो।

## सामब्राम गोजानि बेसेनखौ सामलायनो नाजादों: मिरु सरकार

गोदान दिल्ली, 22 अक्ट'बर : सामब्राम गोजानि बेसेन बांनायखौ होबथानो थाखाय मिरु सरकारआ आथिखालाव थांखि लादों। हादतयाव सामब्राम गोजानि साप्लाखौ बांहोनो थाखाय सरकारआ सामब्राम गोजाखौ गुबुन हादतनिफ्राय लाबोनाय नेमखाथिखौ गोलेँ बनायदों। लोगोसेनो बेसेन बांनायखौ सामलायनो थाखाय बुफार स्टकनिफ्राय बांसिन सामब्राम गोजाखौ बाजारयाव जगायना होनोबो थांखि लादों। हादतयाव गोदान आबादया सौफेनो 1 दान सम दंबावयो। बेबादियाव गुबुन हादतनिफ्राय सामब्राम गोजा लाबोनो सरकार बोली होदों। थांनाय मंगलबारआव हादतनि बयनिखुइबो देरसिन सामब्राम



गोजानि बाजार लासलगावयाव सामब्राम गोजानि बेसेना 1 कुइन्टलाव 7300 रंमोन। बेनि बेसेना थांनाय 10 दानयाव बयनिखुइबो बांसिन। कन्जुमार एफेयासै मावख'नि अन्जिमनि बादिब्ला थांनाय मंगलबारआव चेन्नाइयाव सामब्राम गोजानि खुदरा बेसेना 1 कि:ग्रा: 73 रं जादोंमोन। दिल्लीयाव सामब्राम गोजानि बेसेना 1 कि:ग्रा: 50 रं, कलकातायाव 65 रं आरौ मुम्बाइयाव 67 रं

जादों। हमादंनो लानाय बादिब्ला, जुदि बेसेना बेबादिनो बांबाय थाब्ला दिवालीसिमाव सामब्राम गोजानि बेसेना 1 कि:ग्रा: 100 रं जाहैगोन। खरीफ आबादिनि 37 लाख टन सामब्राम गोजाया थाबै नो बाजारयाव सौफेगोन, जायजों बेसेना खम जागोन। आथिखालाव रबि आबादिनि सामब्राम गोजाखौ बाजारयाव फानाय जादों। थांनाय माखासे सानफोराव महाराष्ट्र, कर्नाटक

आरौ मध्य प्रदेशयाव गोबां अखा हादों। बे दरथामबो राइन्ज्योआव सामब्राम गोजानि आबादखौ गोबां मावनाय जायो। अखा हानायनि जाहोनाव खरीफ आबादजों लोगोसे गुदामाव दोन्नाय सामब्राम गोजाया गोबां गाजि जादों। जायनि जाहोनाव सामब्राम गोजानि साप्लाइया खम जादों आरौ बेसेना गोबां बादों। बेनि सिगांबो सामब्राम गोजानि बेसेनखौ सामलायनो थाखाय 19 अक्ट'बरआव नबी मुम्बाइनि एपिएमसि मार्केटयाव इराननि 600 कुइन्टल सामब्राम गोजाया सौफेदोंमोन, जेरावनिफ्राय 25 टन सामब्राम गोजाया एपिएमसि मार्केटयाव सौफेदों। इरानआव 1 कि:ग्रा सामब्राम गोजानि बेसेना 55-60 रं।

## ब्राजिलआव करना भेक्सिननि ट्रायेलआव बाहागो लानाय सासे भलान्तिहारआ जिउ गोमादों

ब्रासिलिया, 22 अक्ट'बर : आथिखालाव करना भेक्सिननि सायाव ब्राजिलनिफ्राय मोनसे गिदिरि खौरां फेदों। बेयाव करना भेक्सिननि ट्रायेलआव बाहागो लानाय सासे भलान्तिहारआ हरखाबै थैयो होनानै ब्राजिलनि सावस्रियारि एजेन्सि एबिसिआ थांनाय बुधबारखालि फोसावयो। बिथाडा फोरमायनाय बायदिब्ला, एस्ट्राजेनेका आरौ अक्सफर्ड मुलुग सोल्लोसालिनि गेजेरजों दिहुन्नो नागिरनाय करना भेक्सिननि क्लीनिकेल ट्रायेलआव बाहागो लानाय सासे भलान्तिहारआ थैयो। बेजों लोगोसेनो ब्राजिलनि सावस्रियारि एजेन्सि एबिसिआ अब्लाबो भेक्सिननि ट्रायेलआव सोलिबाय थागोन होनानै बुंदों। आथिखालाव ट्रायेलनि समाव बे भलान्तिहारनो भेक्सिन एबा मोनसे प्लेसबनि डूपखौ होनाय जादों ना जायाखै बे बाश्राया रोखा जायाखै। अदेबानि




ब्राजिलनि सावस्रि एजेन्सिआ बेनि सोमोन्दै गोबां खौरां फोसावनायखौ नेवसिदों। बेनि गेजेरजों अक्सफर्ड मुलुग सोल्लोसालिआ थांनाय बुधबारखालि मोनसे इमेल बिबुंथियाव मोनसे मिडियानो फोरमायोदि, गासै मख'जाथाव देहा फाहामथाइ आरौ करना भेक्सिन दिहुनग्रा आफादफोरा बेखौ उदां महरै आन्जाद नायनाय जायो। बेराफासै, ब्राजिलनि हादतगिरि जायर बल्सनारआ बुंनाय

बिथाडा बुंफिन्दों, जों चीननि भेक्सिनखौ बायनाय नडा। थांनाय मंगलबारखालि ब्राजिलनि सावस्रियारि मन्थि एडुआर्ड पजुएलआ राइन्ज्योनि गभर्नरफोरजों लोगोसे जानाय मोनसे जथुमायाव बुडोदि, सावस्रियारि बिफानआ सिनबेक भेक्सिनखौ बायगोन, जाय टिका होनाय हाबाफारिनि थाखाय एस्ट्राजेनेका आरौ अक्सफर्ड भेक्सिनजों लोगोसे थाफागोन। थांनाय बुधबारखालि सावस्रियारि बिफानआ ब्राजिलनि सावस्रियारि मन्थि एडुआर्ड पजुएलनाव करना पजिटिभ मोन्दों होनानै फोसावयो। बियो करना पजिटिभ जाग्रा बयनिखुइ गोदान ब्राजिलनि बिबानगिरि जाबाय। मख'नो गोनांदि, बे बोसोरनि जागायजेन्नायाव हादतगिरि बल्सनारआबो करना पजिटिभ जादोंमोन, बेनि उनाव बिनि बिसिनावबो करना पजिटिभ मोन्दोंमोन।

बिथाडा बुंफिन्दों, जों चीननि भेक्सिनखौ बायनाय नडा। थांनाय मंगलबारखालि ब्राजिलनि सावस्रियारि मन्थि एडुआर्ड पजुएलआ राइन्ज्योनि गभर्नरफोरजों लोगोसे जानाय मोनसे जथुमायाव बुडोदि, सावस्रियारि बिफानआ सिनबेक भेक्सिनखौ बायगोन, जाय टिका होनाय हाबाफारिनि थाखाय एस्ट्राजेनेका आरौ अक्सफर्ड भेक्सिनजों लोगोसे थाफागोन। थांनाय बुधबारखालि सावस्रियारि बिफानआ ब्राजिलनि सावस्रियारि मन्थि एडुआर्ड पजुएलनाव करना पजिटिभ मोन्दों होनानै फोसावयो। बियो करना पजिटिभ जाग्रा बयनिखुइ गोदान ब्राजिलनि बिबानगिरि जाबाय। मख'नो गोनांदि, बे बोसोरनि जागायजेन्नायाव हादतगिरि बल्सनारआबो करना पजिटिभ जादोंमोन, बेनि उनाव बिनि बिसिनावबो करना पजिटिभ मोन्दोंमोन।

## पाकिस्ताननि कराची इउनिभार्सिदि खाथियाव बेरफुनाय जाथायजों सा 5 सुबुंफोर जिउ गोमादों

कराची, 22 अक्ट'बर : पाकिस्ताननि कराची सहराव मोनसे गिदिरि बेरफुनाय जाथाय जादों। अदेबानि गुलशन-ए-इकबालआव थानाय कराची मुलुग सोल्लोसालि मस्कान गेटनि खाथियाव थानाय गंसे 4 तालानि बिल्डिं आव बेरफुनायनि उनाव साबा सुबुंफोर थैयो आरौ सा 20 निखुइबो बांसिन सुबुंफोरा जेखोम जायो। आथिखालाव बेयो माबायदिदैं बेरफुदोंमोन। बेनि खौरांखौ पुलिसया दासिमबो होयाखै। बेराफासै पाकिस्ताननि मिडियानि बाइदिब्ला, गासै जेखोम



जानाय आरौ थैनायफोरखौ पेटेल देहा फाहामसालियाव लांनाय जाबाय। फुटेजनिफ्राय मिबथिनो मोन्नाय बायदिब्ला, बिल्डिंआ आबुडै सिलिंखार जाबाय। बे बेरफुनायखौ बिल्डिंनि नैथि तालायाव जादों होनानै सन्देह खालामनाय

जाथायखौ मोनसे सिलेन्डार बेरफुनाय जाथाय जानो हागौ होनानै बुंदों। बम नाइसंग्रा हान्जाया बेरफुनायनि जाहोनखौ संदानो थाखाय बेयाव फैबाय। बे जाथायखौ लानानै सिन्थनि गिबि मन्थि मुराद आलि शाह आ कराचीनि हाइ कमिसनारखौ बेनि सोमोन्दै मोनसे गुवार रिपर्ट खालामनो बिथोन होबाय। बिथाडा बे जाथायनि सायाव दुखु फोरमायनाय नै बिबानगिरिफोरखौ जाथायाव जेखोम जानाय सुबुंफोरनि थाखाय देहा फाहामथाइ होनो थाखाय बिथोन होबाय।

## चीननि हाथियार ग्लबेल टाइम्सआ लाजिनांनायनि जाहोन जानानै फेदों

बेइजिं, 22 अक्ट'बर : चीननि कम्युनिस्ट सरकारआ दावराव-दावसि गोसारहोनो थाखाय ग्लबेल टाइम्सखौ बाहायो। बे सरकारि खौरांलाइआ सम सम चीन सान्निधनि थियारिफोरखौ ससियेल मिडियाआव फोरमायोदि चीननि सान्निधिया गोदान मुगानि गोनोंखोजों (टेकनिक) लेस आरौ जायखि जाया थासाखिजों जुजिनो थाखाय

थियारि। अदेबानि चीननि बे हाथियार आ गावसोरनिनो लाजिनांनायनि जाहोन जाना फेदों। ग्लबेल टाइम्सनि ताजा रिपर्टआ चीननि थियारि खालाम खुमानायखौ बेखेवदों। खौरांलाइया गावनि रिपर्टआव बुंदोंदि, चीननि सान्निधिया तिब्बतआव भारतजों नांजाबनाय सिमनायाव गाधफोर आरौ गरायफोरजों फरवाड लकेसनआव सान्निधनि मुवा-

बेसाद आरौ जाग्रा मुवा जगायगासिनो। बेनि सिगां ग्लबेल टाइम्सआनो दाबि दैखादोंमोनदि, गासै लाहाइ सिमायाव चीननि सान्निधिनो गोदान मुगानि ड्रनजों मुवा-बेसादफोर दैथायहरनाय जादों। ग्लबेल टाइम्सआ लिन्दों चीननि सान्निधनि तिब्बति मिलिशिया हान्था-मेला फसंथान सिमनायाव जोबोर गोजौ जायगाफोराव मुवा-बेसाद

दैथायहरनो थाखाय गाध आरौ गरायफोरखौ बाहायगासिनो। खौरांलाइया बेखौबो मख'दोंदि, गोदान मुगानि गोनोंखोफोरखौबो बाहायदों, नाथाय बे लिस्नाया चीनखौ खेफोदिनिफ्राय रेखाथि होनो थोजासे नडा। ग्लबेल टाइम्सआ गावनि दाबि दैखानायखौ नंखाय फोरमान होनायजों लोगोसे मुलुगानां थाखोआव ड्रेननिनि आखल-आखुखौबो बेखेवना होदों।

## आमेरिकायाव दासिमबो करनानि गोहोमया जिमायगानो रोडखै

वासिंटन, 22 अक्ट'बर : आमेरिकायाव करना भाइरासनि गोसारनाया बेसेबां गिखंथाव बे बाश्राखौनो हमादंनो हायोदि बेवहाय 2.25 लाखनि बांसिन सुबुंफोरा थैखांबाय। मुलुगनाडै गोसारनाय करना भाइरासजों गोब्रावै भुगिलांनाय आमेरिकाया बेनि इनफेक्सनजों 2.22 लाखनिफ्राय बांसिन सुबुंफोरा थैखांबाय। आमेरिकायाव बे इनफेक्सन गोसारनाया गिखंथाव महर लाखनांबाय आरौ दासिमआव 83 लाखनिफ्राय बांसिन सुबुंफोरा बेनि इनफेक्सन जाखांबाय। आमेरिका नि सिएसएसइनि फासै फोसावनाय गोदान अन्जिमनि बायदिब्ला आमेरिकायाव करनाजों थैनायनि अन्जिमया 2,22, 063 जाहैबाय, जेराव इनफेक्सन जानायनि अन्जिमया 83



लाखनिफ्राय बांसिन जानानै 83,33,591 जाहैबाय। आमेरिकानि निउयक, निउजार्सि आरौ केलिफर्निया राइन्ज्योआ करनाजों बयनिखुइबो गाजिसिन गोहोम गोलेदों। निउयकआव करना इनफेक्सननि जाहोनाव 33,371 सुबुंफोरा थैबाय आरौ निउजार्सिआव दासिमआव 16,245 सुबुंफोरा बे इनफेक्सननि जाहोनाव थैखांबाय। फासैथि केलिफर्नियाआव कभिड-19 जों दासिमआव 17,170 सुबुंफोरा थैखांबाय। टेक्सासआव बेनि जाहोनाव 17,652 सुबुंफोरा दासिमआव थैखांबाय, जेराव फ्लोरिडाआव 16,105 सुबुंफोरा थैबाय। बेनि अनगायै मेसानुसेटस एबा इल्लिनायसआव 9 गोजानिफ्राय सुबुंफोरा थैबाय आरौ पेन्सिल्वेनियाआव 8 गोजानिफ्राय बांसिन सुबुंफोरा थैबाय।

आमेरिकायाव करना भाइरासनि गोसारनाया बेसेबां गिखंथाव बे बाश्राखौनो हमादंनो हायोदि बेवहाय 2.25 लाखनि बांसिन सुबुंफोरा थैखांबाय। मुलुगनाडै गोसारनाय करना भाइरासजों गोब्रावै भुगिलांनाय आमेरिकाया बेनि इनफेक्सनजों 2.22 लाखनिफ्राय बांसिन सुबुंफोरा थैखांबाय। आमेरिकायाव बे इनफेक्सन गोसारनाया गिखंथाव महर लाखनांबाय आरौ दासिमआव 83 लाखनिफ्राय बांसिन सुबुंफोरा बेनि इनफेक्सन जाखांबाय। आमेरिका नि सिएसएसइनि फासै फोसावनाय गोदान अन्जिमनि बायदिब्ला आमेरिकायाव करनाजों थैनायनि अन्जिमया 2,22, 063 जाहैबाय, जेराव इनफेक्सन जानायनि अन्जिमया 83



Government of Assam

**In continuation of the earlier advertisements published on 7- 8 October, 2020, it is for information to all concerned that the last date of submission of application forms is extended upto 3<sup>rd</sup> November, 2020**

**Five sets of duly filled up application forms (Format-I and Format-II) with related documents for**

## MEDIA FELLOWSHIP

&

**Three sets of duly filled up application forms (Schedule-I) with related documents for**

## ONE TIME GRANT FOR MEDIA PERSONALITY

should be submitted to  
DIPR, Assam, Last Gate, Dispur, Guwahati-781006

<p>Guidelines and Application formats of 'Media Fellowship' can be downloaded from <a href="https://bit.ly/3ieRb1r">https://bit.ly/3ieRb1r</a> and <a href="https://bit.ly/2S6bW19">https://bit.ly/2S6bW19</a></p>	<p>Guidelines and Application formats of 'One Time Grant for Media Personality' can be downloaded from <a href="https://bit.ly/2RWZgx5">https://bit.ly/2RWZgx5</a></p>
--	--

**YOU MAY REACH US AT**  
[diprmediafellowship@gmail.com](mailto:diprmediafellowship@gmail.com)  
**Phone: +91 94015-51455**

# नियाग्राया दावबायारिफोरनि गोसो बोनो हासोगारो



गोदान दिल्ली, 22 अक्ट'बर: कानाडानि राजथावनि टस्ट सहरनिफ्राय 2 घन्टानि जानथायाव नियाग्रा दै बारजुम दं। बे ओन्सोलाया माखासे जाहोनजों दावबायारिफोरनि मिरुथिलि जादों। बेनि लामा वाइन रुटयाव थानाय 70 वाइनारि आरो नाग्रा अन दी लेकया दावबायारिफोरनि गोसोखौ जोबोद बोनो हायो। बे सहरस्याव



महक बुटिक, मोजां हटेलफोर आरो समायना बागानफोर दं। बे ओन्सोलाव दावबायारिफोरि नियाग्रा दै बारजुमआव दावबायहैयो। नियाग्रा बारजुमआव नावजों दावबायनो हायो। जानीं बिहाइन्ड दा फल्स, हेलिकप्टरआव गाखोनाने आरो स्काइलन टवारनि रिलिनि रेस्टुरेन्त्याव जाग्रा आदारखौ जानाने गोजौनिफ्राय दै बारजुमखौ नायनो हायो। नियाग्रा दै बारजुमखौ हेलिकप्टरजों दावबायना



## आइएसएलनि थाखाय इष्ट बेंगल हान्जायाव सा 22 गेलेगिरिफोरखौ सायख 'दों



पनाजि, 22 अक्ट'बर: हादतनि सिडव गवा रुइज्योयाव फैगौ बावैसो साननिफ्राय खुंजानो गोनां 7 थि सिजन इन्डियान सुपार लीगनि गेलेनायखौ खुंनो साखा-फारा जानायनि गेजेरवनो गुबुन गुबुन फुटबल क्लाबआ बाहागो लानो थियारि जादों। अदेबानि आइएसएलनि खाथि नोजोरव इष्ट बेंगल हान्जायाव सा 22 मिजिथिजानाय गोखों गेलेगिरिफोरखौ सायख 'नाय जाबाय। हान्जायाव थानाय बावैसो साननि गेजेरव गोरोबथा जानाय जे जे लालपिकु वाल आरो बलवान सिंखौ जायगा होनाय जादों। मख 'नो गोनांदि, 33 बोसोर बैसोनि बलवान सिंआ थांनाय मोन्ने सिजनआव एटलिटिक 'डि कलकाता क्लाबनि जानाने गासै मोन 23 मेचफोरखौ गेलेबोदों मोन।

माखासे मेचफोर गेलेनायजों गावनि रेंगौथिखौ लानाने फैगौ सिजननि आइएसएलआव गेलेनो साखा-फारा जानायजों दिने हान्जायाव थिसनजादों। गुबुन फारसेथि गेलेगिरि नारायन दासखौबो हान्जायाव जायगा होनाय जादों। बेनि सिगां उरिथ्या एफसिनि जानाने नारायन दासआ 18 मेचफोरखौ गेलेबोखांबाय। गावनि जोबथा गेलेनायखौ हादतनि हान्जायाव एसिया कापआव गेलेदोंमोन। बेबायदिनो 34 बोसोर बैसोनि लिंड'आबो इष्ट बेंगल हान्जायाव गेलेनो सायख 'जादों। मख 'नो गोनांदि, हान्जायाव सायख 'जानाय गेलेगिरिफोरनि मुड फारियै गलखिपार शंकर राय, देबजित मजुमदार, रपिक आलि सर्दार, मिससद, गुतेस सिं, नारायन दास, समद आलि, लाल राम सुलेया,

नायनो हायो। नियाग्रा दै बारजुमखौ हेलिकप्टरजों 10 मिनिटनि गेजेरवनो नायजोबनो हायो। हेलिकप्टरजों नायनायाव बे जायगाखौ समायना नुयो। नावजों दै बारजुमखौ खाथिजों नायनो हायो। बेवहाय गोजौनिफ्राय गोलैबोनाय दै बारजुमखौबो रोखा नुनो मोनो। सुराजों दावबायलांब्ला दै बारजुमनायनि सोदोबखौबो



खोनानो मोनो। बेनि अवालयाव जारिमिननि बाश्राफोर लिस्नाय दं। प्लास्टिकनि रेनकट थाब्लाबो दावबायारिफोरा दै बारजुमनि दैया गाहायाव गोलैबोनायाव सिजा नांगौ जायो। दै बारजुमनिफ्राय 775 फुट गोजौयाव थानाय स्काइलन टवारनि रिलि रेस्टुरेन्टनिफ्राय आरो इलेमेन्ट रेस्टुरेन्टनिफ्रायबो नियाग्रानि समायना थासारिखौ नुनो मोनो। बे रेस्टुरेन्टनि जाग्रा आदारा स्वाद गोनां। दै बारजुमनि



खाथियाव गथ'फोरनि रंजानाय-बाजानायनि थाखाय माखासे जायगाफोर दं। बेनि खाथियाव गिदिर गिदिर न' बिल्डि (स्काइलन टवार) जों लोगोसे टीम पार्क, हटेलनि सिडव वाटार पार्क, फेरिज बेहीलज आरो गथ'फोरनि थाखाय बाजानाय रेस्टुरेन्ट (क्लिप्टन रिल), वाटारफ्लाइ कन्जाबेटारि आरो मेरिनलेन्डबो दं। □

# रंजालि गथ' फोरनि सौरा

## मोनाबिलि हांमानि दाहा

आय' अनजालि मोनाबिलि रावबो मोनथिया जौल' मोनथिलायगौ जौदि सानैजों जादों जुलि; सोनाब जिनि नखर आव फैयो नोडे सोदोब मोनथाव, बिरहोनाने रैसुमै बाराव रेशम जोमैनि दखना फायलि। जारौ मोखाडव जिनित नादों हनै मानिबा गोसोम छाया-बेथ' नौनि ह'छारनाय खानायनि गेलेनाय बोल' जेबो नड-। मा नायदोंये गोजों भुमाव; सोर गाहोखो सिन्दुरनि फोथाखौ अनजालि नौनि बिखा सायाव? नौजों आंजों दै बिडव बिदिनो आजाय नुज्जाय गोरा; छिखिर मानसिनि मेगन सेरावल' जों सानैजों ऐरा-ऐरा। हाबाव सना नौखौ आं जिउनि होनाने सानो जुलि, नौनि खुगायाव खोनाबाय आं गोसो थोनायनि' मुचे मुलि।

जरापाल बसुमतारि  
जिला-बागसा बि.टि.ए.डि  
आसाम

चन्द्रबती बसुमतारि  
सेरफांगुरी

## आइपिएलनि मेचआव भिरात कहलनि दैदेनाय आरसिबिआ 8 उइकेटआव केकेआरखौ फेजेन्दों

डुबाइ, 22 अक्ट'बर: गुबुन हादतनि हायाव दासान्दि सोलिबाय थानाय 13 थि सिजन इन्डियान प्रिमियर लीग सुंदये आइपिएलनि गेलेनाया गुबुन गुबुन हान्जाफोरनि गेजेरव फारियै सोलिबाय थादों। आइपिएलनि थांनाय हरनि समाव गुबुन मोनसे गेलेनाय मेचखौ भिरात कहलनि हान्जा दैदेनाय स्केल सेलेन्जास बेंगलुरु (आरसिबि) आरो डिनेस कार्टिकनि दैदेनाय कलकाता नाइथ राइडर्स (केकेआर) हान्जानि गेजेरव मोगा-मोगि गेलेयो। बे गेलेनाय मेचखौ भिरातनि दैदेनाय आरसिबि हान्जाया 8 उइकेटयाव गोरलैयैनो केकेआर हान्जाखौ फेजेन्तो हानायजों पइन्टनि फारिलाइयाव दावखोनो हायो। अदेबानि बे मेचखौ देरहानो हानायजों आरसिबि हान्जाया बे सिजननि आइपिएलआव प्ले अफ राउन्डिसिम सहैनो हागोनखौ मिजिथियाव दोनो।



गेलेनायनि सिगां समाव केकेआर हान्जाया लोरबां जानायजों 20 अभावरव गासै 84 रनखौल' खालामनो हादोंमोन। बे राननि एसेल' टारगेटखौ गोब्राव गेलेनाइजासेनो भिरातनि दैदेनाय आरसिबि हान्जाया अभावरव जोबस्ताबायावनो बे गेलेनाय मेचखौ गोरलैयै

देरहानो हायो। केप्टेन भिरात कहलिया हान्जानि गोखों गेलेनाने देरहानो हानायखौ जोबोर गोजोन्याय फोरमायदों। गुबुन फारसेथि केकेआर हान्जाया बे सिजनाव एसेल' राननि टारगेटखौ खालामनो हानाया लोरबांसिन गेलेनाय जादों। केप्टेन डिनेस कार्टिकआ फैगौ

मेचखौ जैरिखि जाया देरहानो थाथि लादों। गुबुन फारसेथि आरसिबि हान्जाया थांनाय हरनि समाव गेलेनाय मेचखौ केकेआरनि हेंथायै देरहानो हानायजों एबा फेजेन्तो हानाययाव केएल रहल दैदेनाय किंम्स इलेभेन हान्जाया मोजां खाबुखौ मोनो हादों। मानोना सिगांनि मोन्ने मेचखौ देरहानो थाखाय किंम्स इलेभेन पान्जाबनि देरहानाया जोबोद गोनांथार। नाथाय केकेआर हान्जाखौ फेजेन्तो हानाया पान्जाबखौ एसे रेहाय होनो हादों। जुदि केकेआरआ बे गेलेनाय मेचखौ देरहानो हायोमोनब्ला पान्जाबनि थाखाय प्ले अफ राउन्डयाव सहैनायनि फारसे जोबोद गोब्राव जागौमोन। आरसिबि हान्जाया प्ले अफ राउन्डयाव गावसिनि सहैनायखौ रोखा खालामनो थाखाय फैगौ मेचखौ देरहानाया जोबोद गोनांथार जादों। थांनाय हरनि समाव गेलेनाय मेचआव आरसिबिनि जानाने बलारफोर साबसिन जाफु' सारनाय गेलेनायखौ दिन्थिनो हादों। □

## इंलेन्ड आरो आथारलेन्ड हान्जानि गेजेरव मुलुगनां लोगोयारि फुटबल मेचखौ 12 नभेम्बराव गेलेगोन

लन्डन, 22 अक्ट'बर: दासान्दि मुलुगनि गेजेरव हादतयारि नेसन्स लीग फुटबल बादायलायनायनि मेच गेलेनाया सोलिबाय थानायनि गेजेरवनो फैगौ 12 नभेम्बरखालि मुलुगनां लोगोयारि फुटबल मेचखौ इंलेन्ड आरो आथारलेन्ड हान्जानि गेजेरव गेलेगोन। बेनि सायाव एफएआ बे बाश्राखौ मिथिहोदों। कभिड-19 नि जाहोनाव दासान्दि फुटबल बादायलायनायखौ थांनाय माखासे दानफोरनि गेजेरव दोन्थ 'नांनयनि

जाहोनाव दासान्दि गेलेमु आयदाखौ लाबोफिन्नायजों आरो गुबुन गुबुन बादायलायनाया सोलिनायनि गेजेरवनो मुलुगनां थाखोनि हादतयारि फुटबल मेच गेलेनायखौबो नुनो मोन्दों। अदेबानि फैगौ 12 नभेम्बरखालि इंलेन्ड फुटबल हान्जाया आथारलेन्डनि हेंथायै गेलेगोन। फैगौ फिफा वर्ल्ड कापखौ नोजोर होनाने मुलुगनि फुटबल हान्जाफोरनि गेजेरव

लोगोयारि फुटबल मेच आरो क्वालिपाइड मेच गेलेनायखौ नुनो मोन्दों। इंलेन्ड हान्जाया बे बोसोरवाव गावनि गेलेनायखौ गोखों खालामनो हानायजों फैगौ दाननि गेजेरव खुंनो लानाय लोगोयारि फुटबल मेचखौबो गोखों गेलेनाने देरहागोनखौ मिजिथिदों। मुलुगनि गुबुन गुबुन हादतनि गेलेगिरिफोरा कभिड-19 जों सन्देरजानायाव दासिम माखासे गेलेनायफोरखौ दोन्थ 'नो गोनांबो जादों।

इंलेन्ड हान्जाया मुलुगनां लोगोयारि मेचखौ आथारलेन्डनि हेंथायै गेलेखानायनि उनावनो 15 नभेम्बरखालि इंलेन्डया बे लजियामनि हेंथायै गेलेबावगोन। बे गेलेनाय मेचआ मोन्ने हान्जानि गेजेरव जोबोद गोखों जुजिलाइनाय जागोनखौ मिजिथिजायो। मानोना बे लजियामआ दासिम फिफा रेंकि याव सेथि जायगा लानाने गेलेगासिनो दं। बे हिसाबे बे लजियामखौ फेजेन्तो हानाय इंलेन्डनि

थाखाय गोब्राव जागोनखौ नुहरदों। नाथाय इंलेन्डआबो मुलुगनि गुबुन मोनसे गोखों हान्जा आरो थांनाय सिजननि फिफा वर्ल्ड कापनि सेमि पाइनालसिम गेलेहैनो हानायखौ नोजोर होयोब्ला बे मेचखौ गोखों जुजिलाइनायजों फिन्नाय होनो हानायनि मिजिथि दं। अदेबानि बिसेर मोन्ने हान्जानि गेलेनायखौ फैगौ 15 नभेम्बरखालिसुनो मोनगोन आरो गेलेनायनि फिथाइआ रोखा जागोन। □

( 1 बिलाइनिफ्राय )

( 1 बिलाइनिफ्राय )

( 1 बिलाइनिफ्राय )

## दुर्गा फुजानि मुडैः राइज्यो बेंगिरि आरो दारिमिन मन्थिआ गाहाम हामब्लायाय हरदों

मोनसे नेरसोन। आसा खालामो बे बोसोरनि दुर्गा फुजा फोर्बोखौ फालिनायनि गेजेरजों हादतनि आरो आसामनि साफ्रोम नोगोरारिफोरनि गेजेराव गोजोन, खौसेथि आरो अनलायनाया गोख्रोंसिन जायो आरो बयनोबो बिमा दुर्गा देबीआ गोहो बोलो होयो। लोगोसे राइज्यो बेंगिरिया बे खेबनि दुर्गा फुजा फोर्बोखौ कभिड-19 निफ्राय रैखाथि मोन्नो हानाय बादि सरकारआ होनाय गासै गाइडलाइनफोरखौ मानिनानै सोलिनो थाखाय साफ्रोमबो नोगोरारिफोरखौ खालायो।

आसामनि दारिमिन आरो फालांगि मन्थि चन्द्रमहन पातवारिआ दुर्गा फुजा फोर्बोनि समाव राइज्योनि साफ्रोमबो थागिबि सुबुंफोरनिसिम गोसो गोर्बोनिफ्राय गाहाम हामब्लायाथि बाउहरदों। मन्थि पातवारिआ गावनि मोनसे हामब्लायाथि रादाबआव बुंदोंदि, बिमा दुर्गा देबीया गासै सुथुरनिफ्राय सुबुंखौ रैखाथि होयो। बिमा देबीया सुबुंनि रैखाथिगिरि आरो गोहो बोलो होगिरि। मिर्जिथियोदि बिमा दुर्गा देबीया आसामनि साफ्रोमबो सुबुंफोरखौ जोर सारसियो आरो गासैबो गोजोन, खौसेथि आरो रंजा-खुसि थानो हानायनि गोहो बोलो होयो। मन्थि पातवारिआ देलाय दुर्गा फुजा फोर्बोखौ सरकारआ दानानै होनाय कभिड-19 नि प्रटकलफोरखौ मानिनानै सोलिनो थाखाय साफ्रोमबो फुजा बान्जायरा आरो सिबियारिफोरखौ खालायो।

## गुवाहाटी गनेशगुरि सारिआलिनि आरजि बरुवा लामानिफ्राय बिष्णु राभा फ्लाइ अभा रफोनांजाब लामाखौ गिबि मन्थिआ बेखेवबाय

अभारनि आवुडै लुफुंनाय थांखिखौ गासै 30 दानसिम सम सिमना खानानै होनाय जादोंमोनब्लाबो बेनि गेजेराव 19 दानआवनो लुफुंनाय फ्लाइ अभा रनि खामानिखौ आवु खालामनो हादों। फ्लाइअभा रखौ बेखेवना होनाय बेनि लोब्यायै खुंनाय हाबाफारिनि बिबुंथियाव बे फ्लाइअभा रखौ सम सिमना होनायनि गोर्बो सिगांनो लुफुंनो हानाय खामानिआ राइज्यो सरकारनि मोनसे मोजां खुंथायखौ बिदिन्थि होनो हायो होन्नानै बुडे। पिडब्लिउडि बिफाननि मन्थि हिमन्त बिश्व शर्मानि दैदेन्नायाव बिफानआ बे बिथांखिखौ सम सिमनानि सिगांनो आवुडै लुफुंनो हानायनि थाखाय गिबि मन्थिआ बिफाननि मन्थि उ हिमन्त बिश्व शर्मानि सामलायनायखौ बाखायो। आथिखालनि राइज्यो सरकारआ खुंथायखौ सामलायनायनि उननिफ्रायनो राइज्यो सरकारआ बिथांखिफोरखौ गाहामै मावफुंनाय आरो समनि थिखानायनि गेजेरावनो आवु खालामनो हानायनि फासै खुंथायनि बिबानआ जोबोद रयखंजाथावना होन्नानै गिबि मन्थिआ बुडे। गुवाहाटीखौ राइज्योनि मोनसे आत्मा होन्नानै रायखंजा गिबि मन्थिआ मुलुगनि गेजेराव गुवाहाटी नोगोरमाखौ मोनसे समायना नोगोरमा खालामनायनि थाखाय राइज्यो सरकारआ गोर्बा जौगालु बिथांखिफोर मावफुंनायजों लोगोसे गुबुन गुबुन रोखोमनि जौगाखां रहारफोरखौ लाबोदों होन्नानै गिबि मन्थिआ बुंनायजों लोगोसे नोगोरमाखौ खोला-सान्जा एसिनानि हादरफोरजों फोनांजाब खालामनायनि बेयो मोनसे गोनां मिरु हिसाबे होनो हागोन। नोगोरमानि थागिबि सुबुंफोरनि थाखाय मोननै खोलोबनि न' लुफुंनाय बिथिडव जिएमडिआ आरो जिएमसिए अनलाइननि गेजेरजों जायगायावनो गनायथि मोन्नानयनि थाखाय थानाय बावैसो सान सिगां मुख्य मन्थि सहज गृह निर्मान बिथांखिखौ जागायजेनबाय होन्नानै रायखंजा गिबि मन्थिआ नोगोरमानि न'फोरनि थाखाय मोनसे आलादा गाब बाहायनायनि सायावबो गोर्नांथार होदों। जाहाथे बेयो मोनसे आलादा सिनायथि मोन्नो हायो। गिबि मन्थिआ बे बिथिडव मोनसे सावरयलायनायखौ जागायजेनो थाखाय पिडब्लिउडि बिफाननि मन्थि उ हिमन्त बिश्व शर्मा आरो गुवाहाटी नोगोरमानि जौगाखां बिफाननि मन्थि सिद्धार्थ भत्ताचार्यखौ फोसावनानै बुडेदि, जाहाथे बे आयदायाव मोनसे सिगां फासै आवगायलांनो हायो। हाबाफारिआव बिबुंथि लाखिनानै पिडब्लिउडि बिफाननि मन्थि हिमन्त बिश्व शर्माया बुडेदि, नोगोरमानि सुपार मार्केट आरो मालिगावआव थानाय बावैसो साननिफ्राय लुफुंनाय खामानिआ जागायजेन्नाय फ्लाइअभा रजों लोगोसे राइज्योनि गुबुन गुबुन ओन्सोलाव गासै गं 16 फ्लाइअभा रफोरनि लुफुंनाय खामानिआ सोलिगासिनो दड। नोगोरमानि रिहाबारिजों लोगोसे आर्य बिद्यापीठ फरायसालिमाजों फोनांजाब होनानै मोनसे गोदान फ्लाइअभा लुफुंनायनि थाखाय बिथांखि आजावनो लादों होन्नानै मन्थिआ मिबथिहोयो। नोगोरमानि रिहाबारिनिफ्राय पानबाजारसिम एकस्प्रेस करिडरनि आरो चान्दमारनिफ्राय नुनमातिसिम फोनांजाब फ्लाइअभा लुफुंनायनि बिथांखि मावफुंनायनि थाखाय सरकारआ थांखि लागसिनो दड होन्नानै मन्थिआ फोरमायो। गुवाहाटी-सा गुवाहाटी फोनांजाब दालानि लुफुंनाय खामानिआ 30 जौखोन्दो आवु जादों होन्नानै रायखंजा मन्थिआ नोगोरमानि माखासे ओन्सोलाव सुबुंफोरनि थाखाय एसे जेना नुजाथिनाय बे ओन्सोलाव हेलेभेन्टरजों लोगोसे गं 9 फुडब्रिजनि लुफुंनाय खामानिआ गोख्रै सोलिगासिनो दड होन्नानै बुंवाबो। बे फुड ब्रिजफोरनि लुफुंनाया डिसेम्बरनिफ्राय फेगौ बोसोरनि फेब्रुवारीनि गेजेराव राइजो-राजाफोरनि थाखाय सिबिथायनि फासै अन्शेव महै होनो हागोन होन्नानै बुंवाबो। मन्थिआ बुंवाबोदि, राइज्योनि देहा बिफानआ महेन्ड महन चौधुरी देहा फाहामसालि आरो टिबि देहा फाहामसालिनि लांगोनजों फोनांजाबनानै नोगोरमायाव आरोबाव गुबुन गंसे गोदान देहा फाहामसालि फसंनाय जागोन होन्नानै मिबथिहोयो। बे हाबाफारिआव गुवाहाटी जौगाखां बिफाननि मन्थि सिद्धार्थ भत्ताचार्य, मन्थि जगेन महनआबो बिबुंथि लाखियो। गिबि मन्थिआ बे बिथांखि मावफुंनायजों लोब्या थानाय लुफुंनो कम्पानीनि थान्दै आरो पिडब्लिउडि बिफाननि इन्जिनियरफोरखौ बरायो। पिडब्लिउडि बिफाननि सामलायगिरि राजेश खेमफ्राइआ बराय बिबुंथि लाखिनाय दिनैनि बे हाबाफारिआव मन्थि सन्जय किशन, एमएलए रुपक शर्मा आरो माखासे बिफाननि गोर्जो थाखोनि बिबानगिरिफोरखौ बाहागो लादोंमोन।

## कक्राझार आरो गसाइगावआव दुर्गा फुजा फोर्बोआ जागायजेनबाय

आरो नेमखान्थि फोसावनानै बिथोन होनाय बादिथै जिल्लानि सिडाव बाडाइ अन्जिमानिल' फुजा मन्डबफोर फसंनायखौ नुनो मोन्दों। मख'नो गोनादि, बोसोरफ्रोमबो गाजा-गोमजायै दुर्गा फुजाखौ हिन्दु धोरोमारिफोरा फालिबोनाय नुनो मोन्दोंब्लाबो नाथाय बे बोसोराव कभिड-19 महामारिनि जाहोनआव फुजा फोर्बो फालिनायखौ गोख्रों रैखाथिनि गेजेरजोंसो सुबुंफोरखौ फालिनो सांग्रांथि होदों। बोसोरफ्रोमबो कक्राझार सदर सहरआव गोर्बा फुजा मन्डबफोरखौ फसंनाय नुनो मोनबोदोंब्लाबो बे खेबनि फोर्बोनि समाव बाडाइ मन्डबफोरखौल' नुनो मोनो। अदेबानि जिल्ला खुंथाया फुजा फालिनाय आरो सिबिनायनि फासै माखासे खान्थिफोरखौ खानानै होनाय जादों। कभिड-19 नि गिथावनायै गोहोम गोरलैनायनि जाहोनआव गोख्रों रैखाथिनि गेजेरजों दिनैनिफ्राय जागायजेन्नाय दुर्गाफुजा फोर्बोनि समाव सुबुंफोरा गोसो होथारै बिमा दुर्गा देबिखौ फुजिनो साखा-पारा जानायखौबो नुनो मोन्दों। बेबादिनो कक्राझार जिल्लानि गसाइगाव महकुमानि सिडावबो बोसोरफ्रोमबो गाजा-गोमजायै फोर्बोखौ फालिनाय नुबोदोंब्लाबो नाथाय कभिडनि जाहोनआव बे बोसोरआव खुंथायनि गोख्रों आइन फोसावनाय आरो बिथोन बादिथै मोनब्रै फुजा मन्डबखौल' फसंनाय नुनो मोन्दों। गसाइगावनि मख'जाथावना नाथ मन्दि, गसाइगाव गसाइबादाम, गसाइगाव हात रेलवे स्टेसन आरो कमल नाथ कलाब काम लाइब्रेरिआ फुजाखौ फालिनो साखा-पारा जानायजों माखासे खुंथायनि फोसावनाय गाइडलाइनखौबो मानिनो गोनां जागोन। फुजा कमिटिफोरा सुबुंफोरखौ बे थासारिआव सांग्राडै फुजा होनो थाखायबो फोसावदों। दामनाय-देनाय बायदि गुबुन गुबुन आयदाफोरा गासैबो बन्द जानायजों लोगोसे सुबुंफोरनि जमा जाना थानायखौबो होबथानाय जादों। कक्राझार आरो गसाइगाव ओन्सोलाव फुजा कमिटिफोरा फुजा थिलिआव बिमा-दुर्गा देबिनि मुसुखाखौ बरायनानै थिसन्नायबो जाबाय। अदेबानि गाबोननि समनिफ्राय बिमा देबिखौ फुजा होनायाव जागायजेनगोन।

## कक्राझारनि दाब-दाब जायगायाव इउ पि पि एलनि सिबस्रानाय हाबाफारि

बाहागो महैरै कक्राझार जिल्लानि सालाकालि व्लकनि सिडव थानाय कुर्साकालि प्राइमारिनि सिडव थानाय दैमु गेजेर फरायसालि, हरिगाव गुदि फरायसालि, बर' कुर्साकालि गुदि फरायसालि, सान्जा कुर्साकालि गुदि फरायसालि, लालमाति गुदि फरायसालिजों लोगोसे दाब दाब जायगाफोराव सिबस्रानाय हाबाफारि बान्जायो। कुर्साकालि प्राइमारि इउ पि पि एलनि आफादगिरि अपेस्वर ब्रह्म आरो नेहाथारि उतपल ब्रह्मनि दैदेन्नायाव दोलोनि गोर्बा हौवा-हिन्जाव, लाइमोनफोरा लैहोर-लैहोर ऑंखारबोनानै बे सिबस्रानाय हाबाफारियाव बाहागो लादों। कुर्साकालि प्राइमारि आफादनि सिडव थानाय नादांगिरि, सालाकालि, सालमारा, हालवादल, तारंसेरफां, कारिगाव, आवदाव बाजार, कालिफुखि बायदि प्राइमारि आफादनि बान्जायनायावबो बे रोखोम सिबस्रानाय हाबाफारि बान्जायदों होन्नानै मिथिनो मोन्नानाय जादों।

## इउ पि पि एलआ मोन 33 मासि देरहानानै सरकार दागोनः प्रतिभा ब्रह्म

दासान्दि गुबुन गुबुन राजखान्थि हान्जाफोरा। बिसायख'थियाव देरहानायनि मिजिं लानानै गावसिनि बिसायख'थि फोसावदिनायखौ गोख्रौडै सोलिहोबाय थादों। रावबो हान्जानायनो रावनिबो गेजेन एबा उन जानानै थायाखै बिसायख'थि फोसावदिनायाव। बुब्बियावनो बि टि सि एबा बि टि आर हालामाव सोलायनाय लाबोनायनि असिलयै इउ पि पि एल हान्जाया मोन 40 बियाबनि गेजेराव मोन 33 बियावआव देरहानानै सरकार दानो हागोनखौ मिर्जिथिदों। दिनैबो कक्राझार जिल्लानि जयपुर नामापारायाव खुंनाय हान्जानि मोनसे मेलआव गुबुन गुबुन आफाद गौथुमफोरनिफ्राय सा 100 नि बांसिन सोद्रोमाफोरा इउ पि पि एल हान्जायाव हाबफैदों। गोदानै हाबफैनाय सोद्रोमाफोरखौ इउ पि पि एल दैदेनगिरिफोरा फुलाम गामसाजों गोजोनै बरायनानै लायो। बेराफासै दिनै बृहस्पतिवारखालि बि टि सिनि दरब्रैबो जिल्लानि दाब दाब जायगाफोराव इउ पि पि एलआ सिबस्रानाय हाबाफारि बान्जायनाय बादिनो कक्राझार जिल्लानि सिडाव थानाय बावखुंगि बियाबनि आलुरुडै गामियाव हान्जानि सोद्रोमा आरो हेफाजाबगिरिफोरखौ लानानै मोनसे सिबस्रानाय हाबाफारि बान्जायदों। बावखुंगि खोन्दो लाइमोन गांख इउ पि पि एलनि बान्जायनाय बे सिबस्रानाय हाबाफारिखौ बेखेवना होयो इउ पि पि एलनि लेडाइ आफादगिरि आरो 11 नं बावखुंगि बियाबनि बिजाथि प्रतिभा ब्रह्मआ। बे सिबस्रानाय हाबाफारियाव हान्जानि गोर्बा जौ दैदेनगिरि, सोद्रोमा आरो हेफाजाबगिरिफोरजों लोगोसे ओन्सोलनि गोर्बा राइजो-राजाफोरा बाहागो लानानै हाबाफारिखौ जाफुसारहोयो। बे हाबाफारियाव बाहागो लानानै बावखुंगि बियाबनि इउ पि पि एलनि बिजाथि प्रतिभा ब्रह्मआ फेबाय थानाय बिसायख'थियाव राइजो-राजाफोरनि हेफाजाब आरो मदत मोन्नानयनि गेजेरजों बे बियावआव गावनि देरहानाय रोखा जागोनखौ दाबिनायजों लोगोसे बे खेबाव इउ पि पि एल हान्जाया सरकार दागोन होन्नानै फोरमायथियो। बिथाड बुंवावदोंदि, समाजनि गेजेराव गोंगो थासारि लाबोनो थाखाय इउ पि पि एल हान्जाया सिबस्रानाय हाबाफारिखौ आखाइयाव लादों। इउ पि पि एलआ राजखान्थि बिथिडावल' खामानि मावयाखै, नाथाय समाजयारि बिथिडाव आरो सुबुं अन्सायलु बिथिडावबो खामानि मावदों। खुंजानो गोनां बि टि सि एबा बि टि आर बिसायख'थियाव इउ पि पि एलआ 33 मासि मोन्नानै सरकार दागोनो रोखा जाबाय होन्नानै बिजाथि प्रतिभा ब्रह्मआ दाबि खालामबावयो।

## आइ एन एस कवरत्ती साबमेरिनखौ सान्थि हान्जायाव थिसनबाय

गोदान दिल्ली, 22 अक्ट'बर: हा सा बाहागोनि सान्थिनि गाहाय जेनेरेल एम एम नरवणेआ बिशाखापत्तनमआव भारतीय नेभिआव हादतयावनो बानायनाय गं अ ए एस डालिउनि जोबथा आइ एन एस कावरत्तीखौ थिसनबाय। जाहाजखौ भारतीय नेभिनि फसंथान डिडिइएनडिनि गेजेरजों डिजाइन खालामनाय जादों आरो गार्डन रीच शिपबिल्डस एन्ड एन्जीनियर्स, कलकालानि गेजेरजों बानायनाय जादों। नेभिनि बिबानगिरिफोरा फोरमायदोंदि, आइएनएस कावरत्तीआव गोदान मुगानि हाथियार आरो सेन्सार सुट दं, जाय साबमेरिनखौ संदानाय आरो बेनि सायाव गोख्रै नायबिजिनो हानाय गोहो दं। साबमेरिनाव दावहा नांनयनि गोहोजों लोगोसे जाहाजखौ गोजानथारआव थिसन्नायनि थाखाय बेयाव गावखौ रैखाथि खालामनो हानाय गोहोबो दं। बे दावहा नांन्या जाहाजनि मख'जाथाव बाश्रया जादों बेयाव 90 जौखोन्दो हादतयावनो बानायनाय जोन्थोर दं आरो बेनि सुपार स्ट्रुक्चरनि थाखाय कार्बन कम्पजिटखौ बाहायनाय जादों, जाय भारतीयनि दिहुन्थायनि जादिमिनाव मोनसे गिदिर जाफुंसारनो हानाय, बे फोर्बोआ बिसाखापत्तनमआव नेभिनि डकपाईआव जादों।

## गामियारिफोरा गौरां दैसानि सायाव औवानि दालां लुफुंदों

लुफुंथाय गैथैनि जाहोनाव बे ओन्सोलनि गामियारिफोरा हान्था-मेला बिथिडव गोर्बा जेनाजों मोगा-मोगि जानो गोनां जायो। गौरां दैसायाव दालां गैथैनि जाहोनाव बे ओन्सोलनि गामियारिफोरा लोमजानाय बेरामिफोरखौ हरखाबै देहा फाहामसालिफोराव थिसनहैनाय एबा लांनाय बेलायाव गोर्बा जेनाफोरजों मोगा-मोगि जानाडो। जायगानि एम एल ए, मन्थि आरो बि टि सि सरकारआ सिगां समफोराव बे गामियाव गौरां दैसायाव दालां लुफुंनायनि खोथा होबोदोंमोनब्लाबो नाथाय दिनैसिम दालां लुफुंनायनि हाबाफारिखौ लानाय नुनो मोनाखै। जायनि थाखाय सरकारनि सायाव लामा नायालासे दिनै इन्दोरा कल'नी, मक्रापारा, कमलाचारा, सेसापानी, भटगाव गामिफोरनिफ्राय गोर्बा गामियारिफोरा खौसेथै ऑंखारबोनानै औवानि दालांखौ लुफुंनानै लायो।

## आइन बेरेखायै दंफां हाखावग्रा मील आरो जौ बानायग्रा मिरुखौ सिमफायदों

आइन बेरेखा जाथायाव सासेबो सुबुंफोरखौ हमनो हायाखैब्लाबो नाथाय बिबानगिरि नुरुल हुसेइनि दैदेन्नायाव पुलिस हान्जाया बे आइन बेरेखा जौ फेक्टर बानायनानै फालांगि खालामनाय जाथायनि सायाव सुबुंखौ हमनो थाखाय संदानाया सोलिगासिनो। आइन बेरेखायै जौ बानायग्रा फेक्टरखौ मरनै साहा बागाननि साखाथियाव संदानो हादोंमोन। गुबुन फासैथिं महकुमानि सिडव थानाय कासकाना गामियाव सोलिबाय थानाय आइन बेरेखा दंफां हाखावग्रा मीलखौ संदानो हायो आरो बिनिफ्राय माखासे दंफां गलाइफोरखौबो बोखांनो हादों तामाखत पुलिसआ। उनाव बोखांनो हानाय दंफांफोरखौ तामारहाट पुलिस थानायाव लाबोनाय जायो। बे जाथायावबो पुलिसआ सासेबो सुबुंखौ हमनो हायाखै होन्नानै पुलिस सुलुनिफ्राय मिबथिनो मोन्दों।

## हादतआव कभिडजों सुबुंफोरनि सन्देरनाय पजिटिभ केसआ खमायदों

सुबुंफोरनि देहायाव पजिटिभ केसखौ मोन्नो हायो अदेबानि गुबुन बांसिन जौखोन्दो सुबुंफोरानो नेगेटिभ रिपट जादों। फासैथिं भारतआव टेस्ट खालामनाय अन्जिमाया 10 कौटिनि खाथियाव सौहैबाय। दासिम 9.86 कौटिनिखुडबो बांसिन सुबुंफोरनि देहायाव कभिड टेस्ट खालामनाय जादों। बेनि गेजेराव 77 लाख 08 रोजा 947 सुबुंफोरनि देहायाव कभिडनि सन्देरनाय केसखौ मोन्दों। दासिम 7 लाख 16 रोजा 921 बेरामिफोरा गुबुन गुबुन देहा फाहामसालिआव फाहामथाय लानाया सोलिगासिनो दड। जेराव 68 लाख 74 रोजा 67 सुबुंफोरा कभिडनि हेंथायै जुजिना फाहामथाय लानायाव मोजां हालोदआव फैफिनो हादों। नाथाय कभिडजों सन्देरजानानै फाहामथाय लानायाव दासिम सा 1 लाख 16 रोजा 673 सुबुंफोरा जिउ खहा जादों। गुबुन फासैथिं मुलुगनि माखासे हादरफोराव कभिडजों जिउ खहा जानाय अन्जिमाया गोख्रै बाययगासिनो दड। गुबुन गुबुन हादरफोराव कभिडनि गोहोम गोख्रैनाया गोख्रै जानायजों कभिडनि हेंथायै जुजिनायाव सुबुंफोरनि जिउ खहा जानाया बाययबाय थादों। नाथाय भारतआव कभिडजों सन्देरजानाय आरो बे भाइरासजों जिउ खहा जानाय अन्जिमानि जौखोन्दोआ गोख्रै गहायाव फेगासिनो दड। सानफ्रोमबो 700-800 सुबुंफोरा हादरआव कभिडजों जिउ गोमानो गोनां जादों। थानाय आगस्ट-सेप्टेम्बर दानआव हादरनि कभिडजों सुबुंफोरनि जिउ खहा जानाया सानफ्रोमबो 1000 निखुडबो बांसिन जाहैबायमोन। भारतआव गोख्रै मोजां थासारिआ फैफिनानै फेगौ समाव मोनसे गोजोन थासारिआ फैफिनगोनखौ मिर्जिथिदों।

## दुफांनि दुर्गा फोर्बोनि मुडैः गिबि मन्थि सनवालआ राइज्योनि सुबुंफोरनो गाहाम हामब्लायाथि हरदों

थाखाय थुलुंगा मोनगोन। फासैथिं गिबि मन्थिआ कभिड-19 नि बे गिथावना थासारिआव सांग्राडै दुर्गा फुजा फालिनायनि थाखाय आसामनि थागिबिफोरखौ फोसावदों। बेनि सायाव गिबि मन्थिआ बुडेदि, दासान्दि कभिड-19 नि गोसारनाया एसे खमायदोंब्लाबो बेनि सांग्रांथिया जोबनानै थाडाखै। जेब्लासिम बे बेरामखौ होबथानो हाया आरो मुलि दिहुन्नो हाया, अब्लासिम सरासन्हा सुबुंफोरा देहा बिफाननि फोसावनाय नेमखान्थिफोरखौ मानिनानै फालिना गाव-गावखौनो बेराम गैथै लाखिनांगो। जाहाथे फोर्बोनि समाव करनानि गोसारनायखौ होबथानो हायो। बे बिथिडाव मास्क गान्नाय, सामाजिक जान्थाय थानाय हुदाखौ मानिनानै गावनि आखाइखौ साबोनजों खेबले-खेबले सुनांगो आरो सेनिटाइस खालामनायखौ थि समावनो फालिनो थाखाय गिबि मन्थिआ मोनफ्रोमबो फुजा आफादफोरजों लोगोसे सरासन्हा सुबुंफोरनिसिमबो फोसावो।

## आसि हंसपालआ एफआइएनि राइजिं स्टार प्रग्रामयाव इमफ्रेसिफ निउ ड्राइभर महै सायख 'जादों

मुम्बाइ, 22 अक्ट'बर:

भारतनि आसि हंसपालखौ एफआइएआ गार्लस अन ट्रेक-डा राइजिं स्ट्रास प्रग्रामयाव मस्ट डिजाभि एन्ड इमफ्रेसिफ निउ ड्राइभर महै सायख 'जादों। बे प्रग्रामखौ फ्रान्सनि पल रेकर्ड कार्टि सार्किटयाव खुंनाय जादोंमोन। एफएमएससिआइनि आइजो कमिसननि गाहाय सामलायगिरि चित्त रैनाया बुधवारखालि बे बाश्रखौ मिथिहोदों। चित्त रैनाया बुंनाय बायदिब्ला आसि हंसपालनि जाफुंसारनाया भारतनि मथर्स स्पर्टसनि थाखाय मोनसे गोग्गाथावना। 13 बोसोर बैसोनि आसि हंसपालआ मुलुगनि गेजेरावनो गासै सा 70 लाइमोन ड्राइबारफोरनि गेजेराव गिबिथै सायख 'जादों। बेनि सिगां आसि



हंसपालआ जेके टाइयार एफएमएससिआइ इन्टरनेसनल कार्टि सेम्पियनसिफयावबो बाहागो लाखांबाय। मुलुगनि गेजेराव गोदानै इमफ्रेसिफ ड्राइबार महै सायख 'जानायखौ हंसपालआ जोबोद गोजोन्नाय फोरमायदों आरो फेगौ समनि बादायलायनायफोराव

गोख्रौडै बाहागो लागोन होन्नानै फोरमायदों। मुलुगनि गुबुन लाइमोन बादायारिफोरा बे सेम्पियनसिफयाव बाहागो लादोंमोन। फारसेथिं हंसपालनि जाफुंसारनायाव भारतनि गुबुन गुबुन बिथिनिफ्राय गोग्गानाय आरो साबायखर जासिनायखौ नुनो मोन्दों।

## सावथुन केरियारखौ परिणीति चपड़ाआ मोजाडै जागायनो हादोंमोन

गोदान दिल्ली, 22 अक्टूबर : प्रियंका चपड़ाया गोबां मोजां जाफुंसारनो हाखांनायनि उनाव बिनि बिबैथैनि फिसाजो परिणीति चपड़ाया बलिउडआव आगान होदों। 2011 आव बियो रणबीर सिंनि सावथुन लेडिज वर्सेस रिकी बहल 'जों' लोगोसे डेब्यु खालामदोंमोन। परिणीतिनि सावथुनआव जागायनाया गोबां दोहों गोनां जादों। बियो 22 अक्टूबर आव जोनोम जादोंमोन। बिनि जोनोम सानआव केरियारजों सोमोन्दो गोनां माखासे बाध्राफोरा सोराडाव फैंदों। मख'नो गोनांदि सावथुन बेन्ड बाजा बारातजों जाफुंसारनायखौ



मोनो हाखांनायनि उनाव रमबीर सिं लेडिज वर्सेस रिकी बहलजों लोगोसे फैंफिनो। बे सावथुनजों लोगोसे परिणीतिआव गावनि डेब्यु खालामदों। बे सावथुनआव

बिनि फावखौ गोबां बाख्नायदों। बे परिणीतिआ बेस्ट फीमेल डेब्युनि फिल्म फेयार एवार्डबो मोन्दों। बेनि

से बोसोरनि उनाव 2012 आव सावथुन इश्कजादेआ रिलिस जादों। बे सावथुनआव अर्जुन कापुर आरो परिणीति चपड़ाखौ लोगोसे नुनो मोन्दों। बे सावथुनजों सानैनिबो केरियारआ मोनसे आलादा जागायजेनायखौ मोन्दों। बेनि थाखाय बियो नेसनेल सावथुन एवार्डआव स्पेशेल मेशनबो मोन्दों। बे सावथुनआ बक्स अफिसआव गोबां मोजां फालांगि खालामनो हादों। सुशान्त सिं राजपुतजों लोगोसेबो परिणीति चपड़ाया स्क्रीन सेयार खालामनो खाबु मोन्दों। सावथुनआव बिसोरजों लोगोसे

बाणी कापुर आरो ऋषि कापुरआवो गोबां मोजां फाव खालामदों। बे सावथुननि उनाव सुबुंफोरा परिणीतिखौ उननि प्रजेक्टनि थाखाय नेनानै थादों। बे सावथुननि थाखायबो बियो फिल्मके यार आव नमिनेसन मोन्दों। 2014 आव परिणीतिनि मोन 3 सावथुनफोरा रिलिस जादों। बेवहाय हन्सी त' फन्सी, दाबत-ए-इश्क, किल दिलआ दंफादेरो। बेवहाय बयनिखुइबो बांसिन हन्सी त' फन्सीआ खोराखव थाबाय थादों। बेवहाय बिखौ सिद्धार्थ मल्हत्रानि अपजिटआव नुनो मोन्दों।

## नरा पतेहीखौ कपिल शर्मानि श्व'आव आलासि महरै नुनो मोनसिगोन



गोदान दिल्ली, 22 अक्टूबर : दा कपिल शर्मा श्व'नि फेनो गोनां एपिसडआव नरा फातेही आरो देखोगिरि गुरु रन्धावाखौ आलासि महरै नुनो मोनसिगोन। सानैबो स्टारफोरखौ गावसोरनि गोदान देखों 'नाच मेरी रानी'नि प्रमसन खालामनाय नुनो मोनगोन। सनी टिभिनि दुइटर एकाउन्टआव बे एपिसडनि मोनसे प्रम फि भिडियखौ सेयार खालामदों। जाय गोबां मख'जाथाव। भिडियआव कपिलखौ नराजों फ्लार्ट खालामनाय नुनो मोन्दों। बे भिडियआव कपिल शर्माखौ रुप तेरा मस्ताना देखोखौ रोजाबनाय नुनो मोन्दों, जेराव नरा फातेही आरो गुरु रन्धावाआ मोसायो। बावैसो समाव नरा फातेही आरो गुरु रन्धावानि गोदान देखों नाच मेरी रानीआ रिलिस जादों, जायखौ नायगिरिफोरा गोबां मोजां मोन्दों। भिडियआव नराया गावनि डान्स मुक्सजों फेन्सफोरखौ आरोबाव खनसे गावनि जाउलिया खालामदों। बे देखोखौ गुरु रन्धावा आरो निकिता गान्धीआ लोगोसे रोजाबदों। तनिस्क बागचीआ बे देखोखौ लिरदों आरो कम्पज खालामदों। भिडियआ दासिमआव कौटि कौटि निउज मोनखांबाय। नरानि वार्क फ्रन्टनि बाध्राखौ बुझेव्ला बिखौ गिबि खेब सावथुन स्ट्रीट डान्स 3 डियाव नुनो मोन्दोंमोन। बेवहाय बियो बरुन आरो श्रद्धा कापुरजों लोगोसे फाव खालामदोंमोन। आधिखालाव बिखौ अजय देवगाननि सावथुन भुजः दा प्राइड अफ इन्डियाआ नुनो मोनसिगोन जाय डिज्नी प्लास हटस्टाराव रिलिस जानो थियारि जादों।

## शाहरुख खानआ 2 बोसोरनि उनाव पर्दायाव फैंफिनसिगोन

गोदान दिल्ली, 22 अक्टूबर : बलिउडनि बादशाह शाहरुख खानआ गोबाव समनि उनाव आरोबाव खनसे पर्दायाव दोहों सोमजिहोनो थियारि जादों। 2018 आव रिलिज जानाय जीर सावथुननि उननिफ्राय बलिउडनि किं अफ रमान्स' बुंजानाय फावखुंगुरआ सिल्वर स्क्रीननिफ्राय गोजानाव थादों आरो गावनि नख'रनि सुबुंफोरनो बेसेन गोसा समखौ होदों। आइपिएल 2020 आव किं खाननि एसे नुजाधिनायखौ नायनो थाखाय फेन्सफोरनि उनु-खुथु जानायखौ नुनो मोनो आरो बेनि गेजेराव खौरां फैंदोंदि, थाबैनो बियो गिदिर पर्दायावबो फैंफिनसिगोन। मिडिया रिपर्टनि बायदिव्ला शाहरुख खानआ 2 बोसोरनि उनाव गावनि रिलिज जानो गोनां सावथुननि सुटिनि थियारिखौ जागायदों। किं खानआ नवम्बर 2020 निफ्राय गावनि सावथुन पठाननि सुटिखौ खालामगोन। बे सावथुनआव बिजों लोगोसे फावखुगि दीपिका पादु कन आरो जन आब्राहमखौबो फाव खालामनाय नुनो मोनगोन। दीपिकाजों लोगोसे किं खानआ गोबां सावथुनफोराव फाव खालामखांबाय, नाथाय बेबायदिआ गिबि खेब जागोन जेराव बिखौ जनजों लोगोसे सिल्वर स्क्रीनआव नुनो मोनगोन। गुबुन मोनसे रिपर्टनि बायदिव्ला सावथुननि गिबि सेडयुलआ 2 दाननि थाखाय आरो बेनि उनाव एसे ब्रेक जागोन। नवम्बर-डिसेम्बरआव शाहरुखआ सुटिखौ खालामगोन आरो गोदान बोसोरनि उनाव दीपिकाआ पठाननि सेटआव सौहैगोन। किं खानआ सिद्धार्थ आनान्दनि सावथुन पठाननि थाखाय मुम्बाइनि अन्धेरीआव थानाय यशराज सावथुन स्टुडियआव सुटि खालामगोन।



## केदार खानआ उन्दै समाव गोथैसालियाव थांनानै हसिखाव हैयोमोन

गोदान दिल्ली, 22 अक्टूबर : बलिउडनि मुंदांखा फावखुंगुर केदार खानआ थारैनो बे मुलुनआव गैला, नाथाय दासिमबो बियो गावनि मोजां डायलगफोर आरो फावनि गोहोजों फेन्सफोरनि गोसोयाव जायगा लायो। केदार खानआ सासे मोजां फावखुंगुरजों लोगोसे सासे मोजां कमेडियन आरो डायलग राइटरबोमोन। गावनि एक्टिजों मुंदांखा जाबोनाय रंसारि फावखुंगुर केदार खानआ 22 अक्टूबरआव जोनोम जादोंमोन। सावथुनफोराव गावनि कमेडिजों नायगिरिफोरखौ मिनिहोनो हाबोनाय फावखुंगुरआ सावथुनआव सिनायथिखौ बानायनायनि सिगां जिउआव गोबां जेंनाजों मोगा-मोगि जाबोदों। मख'नो गोनांदि, केदार खानआ 22 अक्टूबर 1937 आव काबुल आफगानिस्तानआव जोनोम जादोंमोन। नाथाय उनाव बिनि नख'रनि सुबुंफोरा मुम्बाइनि खाथियाव थानाय कमाठीपुरायाव फैंनानै थाफेंदोंमोन। बिनि न'नि रांखान्थिनि थासारिया गोबां गाचि मोन। बे जाहोननि थाखायनो केदारनि बिमाया बिखौ सोंलोंथाय लानो फरायसालियाव दैथाय हरालासे खाथिनिनो गंसे मस्जिदयावसो सोंलोंथाय लानो थाखाय



दैथायहरोमोन, जायनिफ्राय बियो खारखोमालानानै खाथिनि मोनसे गोथैसालिआव थाडोमोन। बियो सानफ्रोमबो बेबायदिनो खालामोमोन। बै समाव केदार खानआ 8-9 बोसोर बेसोनिमोन। गोमोथाव बाध्राया बेनोमोनदि जेव्ला बियो

गोथैसालियाव थाडोमोन अल्ला बेवहाय जिरायनानै बियो गोबां हसिखावबाय थायोमोन। बिनि गारां आ उन्दैनिफरायनो गिदिरमोन। बियो सानफ्रोमबो गोथैसालियावनो हारसिडै राइज्लायनानै प्रेक्टिस खालामबाय थायोमोन।

## सलमान खाननि सावथुन राधेया फैंगौ बोसोरनि इदआव नुजानो हागौ

गोदान दिल्ली, 22 अक्टूबर : बलिउड सुपरस्टार सलमान खाननि फेन्सफोरा बिनि सावथुन राधे : यर मस्ट वान्टेड भाइ'खौ गोसो होसारनानै नेनानै बावैसो समाव सलमान आरो दिशा पाटनीआ सावथुननि सुटिखौ फुरा खालामबाय। खौरांनि बायदिव्ला बे बोसोराव सावथुननि रिलिस जागोनआ हाथावना नडा। बेबायदिआव मेकार्सआ सावथुन राधेखौ फैंगौ बोसोरनि रिलिज खालामनो थांखि लादों। बेबायदिबो फोरमायनाय



जादोंदि, बे सावथुनआव 2021 नि इदआव रिलिज जानो हागौ। मिड डे आ गावनि मोनसे

## गाहाम देहानि राहा

## साइनास बेरामाव बानलु गोथांआ मुलाम्फा गोनां

गोदान दिल्ली, 22 अक्टूबर : फानलु गैयालासे जाग्रा आदारआ स्वाद गोनां आरो गोसा जाया। माखासे सुबुंफोर फानलु जानायनिफ्राय जानगारै थायो। नाथाय गोबाडानो मिथियादि, फानलुआ माखासे बेरामफोरखौ फाहामथाय होनायाव मदत होयो। गोजां बोथोरआव बयनिखुइबो बांसिनै साइनास आरो जबखा बेरामिफोर जेंना गोनांसिन जायो। गोजां बोथोरआव फानलु गोथांआ बिसोर बेरामिफोरनि थाखाय बाहायजाथाव। फानलु गोथांआव गोबां पषक तत्व जैरै भिटांमिन A, B6, C, आइस, कपार, पटासियाम, प्रटीन आरो कार्बहाइड्रेट थायो, जायफोरा देहा-सोलेरनि थाखाय मुलाम्फा गोनां। फानलु गोथां जानायनि हुदा थायोव्ला समफलआव केन्सार जानो हाथावनाया खम जायो। जरखायै हौवाफोरा फानलु गोथांखौ जानांगौ,

मानोना बिसोरनियाव प्रस्टेट केन्सारआ बांसिनै जायो। गोबां संदानायाव बेयो फोरमान जाखांबायदि, फानलु गोथां जायोव्ला प्रस्टेट केन्सारनि जेंनाया फुरायै गैया जायो। बानलु गोथांआव केप्सेइसिन थायो जाय गन्थंआव थैनि थांलाय-फैलायखौ सरसनसा खालामो। बेजों गगा मोन्नाय आरो सायनासनि जेंनानिफ्राय रेहाय मोनो। बिबिन्दो फानलु गोथां जानायनि माखासे मुलाम्फाफोर जाबाय

जानाया थाब दोगोन जायो, लोगोसे देहा सोलेरनि पाचन एवा दोगोन तन्त्रआव सुक्षानाय सोलायनाय लाबोयो। बेयाव फाइबरखौ आबुडै मोनो, बेनिखायनो बानलु गोथांआ खि गोप जानाय जेंनाखौ जानगार होयो। 4. फानलु गोथांआव एन्टी बेक्टेरियल गुन मोन्नाय जायो, जाय इनफेक्सनखौ जानगारै लाखियो। फानलु गोथां जानायनि हुदा थायोव्ला माखासे इनफेक्सन सन्देनाया गोबां खम जायो। 5. आइजोफोरनाव आइरन खम जानाय जेंनाया बांसिन जायो। सानफ्रोमबो जाग्रा आदारखौ फानलु गोथां जायोव्ला बे ख'हा जानाया आबुं जायो। (बेफोर गाहाम देहानि सुबुरुनफोरा सरासनसा मिबथिनानयनि थाखाय। बेखौ डाक्टर एवा मेडिकल प्रफेसनेलनि सुबुरुन होनानै लानाडा। बेराम एवा सन्देनाय जादोंव्ला डाक्टरनि खाथियाव थां)।

## उपवास थानाय समाव आदारखौ नोजोर होनानै जानांगौ

गोदान दिल्ली, 22 अक्टूबर : फिटनेस थानायनि हाबिला आरो थांखिखौ फुरा खालामनायनि बयनिखुइबो नोजोर होथारनांगौया जादों जौनि जानाय आदारनि बिबां। थामहिनबा बेसेबां फेट कार्ब्स आरो प्रटीन जानांगौ आरो सानफ्रोमबो बेसेबां केलरी जानाया थि जागोन बायदि बायदि। मख'नो गोनांथि केलरीखौ आजावनाय, सुबुंफोरनि बैसो, जौथाय, हौवा-हिन्जाव आरो बिसोरनि जिउ खुंनया हुदा बायदिनि सायाव बिथा खालामनानै गुबुन गुबुन जायो। फिटयै थानो थाखाय ब्रत एवा उपवास थानाय समाव बारादय जानाड, बेनि थाखाय मोनसे मोजां रहया जादों जाग्रा आदारखौ क्वार्टर प्लेट एवा फिसा प्लेटफोराव लानानै जानांगौ। 2. ब्रत एवा उपवास थानायनि जायखि जाया मुवाफोर बायनाय समाव बेनि लेबेलखौ मोजाडै फरायनांगौ। मानोना बबेबा बबेबा प्रडाक्ट एवा मुवाफोर गोबां केलरीज थायो। 3. वार्कआउट एवा पारिस्त्रम खालामनायनि सिगां आरो उनाव प्रटीन गोनां स्नेक्स जानांगौ। बेयो देहायाव गोहोखौ जगायना



होयो। 4. एक्सट्रा केलरीजखौ खमायनो थाखाय गोबां मेजेम (फेट) गोनां जाग्रा मुवाखौ जानाड, ट्रांसपेट एवा सडियाम आरो गोबां सुगार गोनां जाग्रा मुवाफोरनिफ्राय जानगाराव थानांगौ। जानाय आदारखौ मोजाडै अरिलिना जानांगौ। सालाडफोर जाफानांगौ। 5. मोनफ्रोम बैसो हिसाबै जौनि देहा सोलेरनो सानफ्रोमबो 1600 निफ्राय 200 केलरीनि गोनांथि जायो। नवरात्रि एवा दुर्गा पुजानि डाइटआव एरैबायदि जाग्रा मुवाफोरखौ जानांगौ जेराव कार्बहाइड्रेट, प्रटीन, भिटांमिन, मिनारेल्स थायो आरो केलरीनि गोनांथि जानायबो फुरा जायो। डेमसिनि आय, साबुदना आरो

सावां माइर एवा ब्रतनि माइरंआ कार्बहाइड्रेडनि थाखाय हेल्टी सर्स। 6. गाइखेर आरो गाइखेरजों बानायनाय प्रडाक्सननि अनगायै जुखामआबो प्रटीननि मोजां फुंखा (सर्स)। बेयाव बिटांमिन बि 12 थायो। बुतआव गाइखेरनि क्रिमनि बदलै स्किन्ड मिल्क खौ बाहायनांगौ। गाइखेर दाखा आरो छाछखौ गोबां बाहायनांगौ। न'आवनो बानयनाय पनीरखौ जानांगौ। बेफोरनि अनगायै माखनआव प्रटीन, कार्बहाइड्रेट आरो फाइबर थायो। सुगार गोनां बेरामिफोरनि थाखायबो बेयो मुलाम्फा गोनां।

## चीनजों थासारिया दुंहाव जानायनि गेजेरावनो ताइवाननो आमेरिकाया हाथियार फानहरगोन

वाशिंगटन, 22 अक्ट'बर: चीनजों लोगोसे जेना सोमजिनायनि गेजेराव जुथयराइज्यो आमेरिकाया ताइवाननो गुन्द्रासा आरो कमानजों लोगोसे गं 3 हाथियारखौ फान्नो गनायथि होबाय, जायनि बेसेना 1.8 आरब आमेरिका डलार जानो हागौ। ताइवाननि सांग्रांथिखौ नोजोर होनानै चीनआबो

गावसोरनि थियारिखौ गोखों खालामदों। खोला सान्जा लैथोमा बोरिमायाव चीन सान्थिनि थांलाय-फैलाय खालामनाया गोखेंसिन जादों आरो गोदान मुगानि गुद्रासाखौबो थिसन्दों। गुबुनारि हादत बिफाननि गेजेरजों कंग्रेसनि थाखाय सरसनसा बिथोनमानि बादिब्ला बे लैथोमायाव लाकहीड मार्टिन

कार्पनि गेजेरजों बानायनाय 11 ट्राक बिथा खालामनाय स्केट लन्सारबो दं, जायखौ गोखौ थाखौनि आटिलारी स्केट सिस्टमबो बुनाय जादोंमोन। बेनि बेसेना 40 कौटि डलार रॉ। बेनि अनगायै बइगनि गेजेरजों बानायनाय 135 एजिएम-84 एडच स्टेन्ड अफ लेन्ड एटेक गुन्द्रासा एक्सपेन्डेड रिपन्सखौबो थिसन्नाय जादों,

जायनि बेसेना 1 आरब डलार रॉ। आमेरिकाया चीन आरो ताइवाननि गेजेराव जेना सोमजिनायाव बेबादि थांखि लादों। चीनआ खनले-खनले ताइवानयाव गाग्लोबनो हुमुखि होदों आरो गावयारि खुंथाय डीपखौ गिखां होनो थाखाय गाग्लोबनायनि नेमखाथिखौ आजावना लादों। गुबुन फारसे थिंजाय बावयैसो सानफोराव भारत प्रसन्त ओन्सोल आरो करना भाइरस इनफेक्सनजों लोगोसे गुबुन गुबुन जाहोनाव चीन आरो आमेरिका नि गेजेराव सोमोन्दोया गाञ्चि जादों। माखासे बोसोरनिफ्रान्योनो चीन सरकारआ ताइवानआव गावसोरनि मोनथायनि दाबि दैखांबोबाय थादों। आथिखालाव ताइवानआ इउ एननि गेजेरजों गनायथि मोनाखै। नाथाय थेवब्लाबो ताइवान सरकारआ आमेरिकाजों लोगोसे सोमोन्दोखौ मोजां बानायदों, जायखौ चीनआ मोजां मोनाखै।

## फ्रान्सनि फोरेंगिरिखौ सिनायनो थाखाय बुथारग्राया फरायसाफोरनो फैसा होदोंमोन

पेरिस, 22 अक्ट'बर: फ्रान्सनि उतरखारिखौ नुगिरि जौन फ्रेंक रिचार्डआ थांनाय बुधवारखालि फोरमायनाय बायदिब्ला थाखायाव पेगम्बरनि सावगारि दिन्थिग्रा फ्रान्सनि जारिमिननि फोरेंगिरि सेमुअल पेटीखौ 18 बोसोर बेसोनि बुथारग्राया बिखौ सिनायनायाव मदत खालामनायनि थाखाय माखासे फरायसाफोरनो फैसा होदोंमोन। मख'नो गोनांदि, पेटीखौ थांनाय सप्ताहयाव पेरिसनि खाथियाव खर' दान्सनानै बुथारदोंमोन। रिचार्डआ मोनसे खौरेंगिरिफोरनि जथुम्मायाव फोरमायनाय बायदिब्ला, सासे 14 बेसोनि आरो सासे 15 बोसोर बेसोनि फरायसाफोरखौ नायबिजिरा मेजिस्ट्रेटनि खाथियाव दिन्थिनाय जाबाय। बिथाड फोरमायबावदों नायबिजिरनायाव मिथिनो मोन्याय बायदिब्ला बुथारग्राया फोरेंगिरिनि मुं, स्कुलनि मुं



आरो बिन थंखौ मिथिजोबखायोमोन। सिगाडव बियो फोरेंगिरिखौ सिनायामोन, नाथाय स्कुलनि फरायसाफोरनि मदतजों सिनायदोंमोन। अदेबानि पेटीखौ सिनायनो

थाखाय बियो स्कु लनि फरायसाफोरनो 300-350 रं होदोंमोन। बेरा फारसे, बिबानगिरिफोरा बुथारग्रा नि सिनायथिखौ 18 बोसोर बैसोनि अब्दलाख अजख महरै सिनायथि होदों। बेनि जाहोनाव फ्रान्स सरकारआ शेख यासीन इस्लामि एससिएशनखौ फोजोबनो बिथोन होयो। बे एससिएशननि गायसनगिरि अब्दलहाकिम सेफरियइखौ फोरेंगिरिखौ बुथारनाय केसाव सन्देह' खालामनाय जोबथे सालियाव लांनाय जाबाय। बेनि गेजेरजों खोला-सोनाव फ्रान्सनि बर्डिआक्स आरो बेजियर्स शहरफोरनि

हिंसायायि हाथियायि हुमखि मोन्यायि उनाव रैखाथि बेबस्थाखौ बायनाय जाबाय। न'खरारि मन्थि गेराल्ड डमार्निनआ बुथारखालि बेनि खौरं होनाने दुइट खालामोदि, बेबायदि हिंसायायि जाथायखौ सहायनाने थानाय जानाय नडा। फ्रान्स ब्यु रेडियआ थांनाय मंगलबार खालि हर गेजेराव गावनि वेबसाइटआव खौरं होदोंमोनदि, बेजियर्सआव अर-रहमा मस्जिदनि सुबुंफोरा पुलिसनाव अजद दैखाडोदि, बिसोर फेसबुकआव माखासे गाञ्चि खौरंजों लोगोसे मस्जिदआव अर सावनायनि हुमखि मोन्दों।

## सुथुरखौ गिखां होगोन नाग एन्टिटेक गाइडेड मिसाइलया



गोदान दिल्ली, 22 अक्ट'बर: भारतयाव सान्थिनि गोहोया बांदों। गुन्द्रासा आन्जाद नायनायाव आवगय लांनो हानाय भारतआ बृहस्पतिबायव वास्हेडजों लोगोसे नागा एन्टिटेक गाइडेड मिसाइलनि जोबथा खोलोबखौ जाफुंसारनाय महरै आन्जाद नायदों। गुन्द्रासाखौ फुंनि 6.45 रिगायाव राजस्थाननि पखरत फिलड फायारि रेन्जयाव आन्जाद नायनाय जादों। नाग एन्टिटेक गाइडेड मिसाइलखौ रैखाथि संदानग्रा आरो जौगाखां फंसंथान (डिआरडिअ) आ बानायदों। थांनाय से खावसे दाननि समाव डिआरडिअनि बेयो 12 थि गुन्द्रासा आन्जाद नायनायनि नेम-खाथि। डिआरडिअया हादतनि गुन्द्रासाखौ बानायनो नागिरदों। थाबैनो मिसाइल बिथियाव भारतखौ आत्मानिभर बानायनाय जागोन। मख'नो गोनांदि, गुन्द्रासा आन्जाद नायनायनि टर्मिआ गोनांथार। सिमायाव चीनजों जेना सोमजिनायनि गेजेराव भारतनि गोहोया सानफ्रोमबो बांलांबाय थादों।

## गुजरातआव 6 घन्टानि गेजेराव खेब 10 बांग्रि मावलांदों

आहमदाबाद, 22 अक्ट'बर: मैया गुजरातनि सौराष्ट्र-कच्छ ओन्सोलआव 6 घन्टानि गेजेरावनो 10 खेब बांग्रि मावदों। बेफोरनि गेजेराव परबन्दरनि साखाथियाव खेब 7, जामनगरनि लालपुरआव खेब 2 आरो कच्छआव खेबसे बांग्रि मावनायनि उनाव सुबुंफोरनि गेजेराव गिखांनाय सोमजिदों। अदेबानि बे बांग्रि मावनायाव ख'हा जायाखै। बे बांग्रिनि मिरुखौ जामनगरनिप्रय खोला सान्जाथिडे 28 कि:मि: गोजानाव मोन्दों जरखाफोर। मख'जाथावदि, मंगलबाखालिबो हरनि 12.19 रिगायाव, 12.34, 1.26, 2.13, 2.54, 2.59 आरो फुंनि 6.21 रिगायाव बांग्रिआ गासै दाइन खेब मावदोंमोन। बेनि गोखैथि 2.1 निप्रय 3.3 मोन। बेनि जाहोनाव सुबुंफोरा हस्सेमानि उन्दुनो हायाखै आरो हस्सेमानि सुबुंफोरा न'नि बाइजोयाव ओंखारनानै थादोंमोन। जामनगरनि लालपुरआव हरआव बांग्रि मावनाया 2.5 स्किटर आरो फुंनि 6.10 रिगानिया 2.3 स्किटरनिमोन।

## थाइलेन्डआव इमारजेन्सि बोखारनायनि इसारा, गाहाय मन्थिखौ बिबान एंग्लायनो दाबि दैखांदों

बैंकक, 22 अक्ट'बर: थाइलेन्डआव सरकारआ आथिखालाव धर्ना होग्राफोरजों रादाय खानायनि लामायाव फैबाय। अदेबानि गाहाय मन्थि प्रयुथ चान-आ-चाया बैंककनिफ्राय इमारजेन्सिखौ थाबैनो फोजोबनायनि इसारा होदों। बैंककआव सरकारनि हेंथायै धर्ना होनायखौ नोजोर होनानै इमारजेन्सिखौ फोसावनाय जादों। बेनि गेजेरजों बैंकक आरो हादतनि गुबुन शहरारि ओन्सोलफोराव धर्ना होनाया सोलदों। बे धर्ना होग्राफोरा गाहाय मन्थिखौ बिबान एंग्लायनायनि दाबि दैखांबाव थादों। लोगोसे राजा महावजीरालं कर्णनोबो मोन्थाय होफिन्नायनि गोनांथि दड होन्नानै फोरमायनाय जादों। गाहाय मन्थि प्रयुथआ हादतनि मुडे खौराडाव बुडोदि, थासारिखौ बोखानो आरो दावराव-दावसिखौ खम खालामनो थाखाय सरकार थाबैनो थांखि लागोन। जुदि हिंसायायि जाथाया जायाब्ला बैंककनिफ्राय थाबैनो इमारजेन्सिखौ बोखारनाय जागोन आरो थांलाय-फैलायाबो



सरसनसा जाफिनगोन। बेनि सोमोन्दै प्रयुथआ बुंबावदों, धर्ना होग्राफोरनि दाबिनायनि सायाव पार्लियामेन्टआव सावययनाय जागोन। बेनि गेजेरजों जेनाया थाबैनो बोखांजागोन होन्नानै मिजिं थिनाय जादों। बैंककआव आथिखालाव साब्रेनिखुइ बांसिन सुबुंफोरा ज' जानायखौ होबथायो। बवेखानि इमारजेन्सि फोसावसेयावबो रोजा रोजा धर्ना होग्राफोरा थांनाय बुधवारखालि गाहाय मन्थि मावख'सिम रेलियाव ओंखारनानै बिन बिबान एंग्लायनायनि दाबि दैखाडो। बे रेलियाव बाहागो लानाय 54 बोसोर बैसोनि

सुबुडा बुंनाय बायदिब्ला, इमारजेन्सिखौ बोखारनो खोथा होनाया जेनानि रहा लामा नडा। गाहाय मन्थि आ बिबान एंग्लायब्ला गावसोर हाबाफारि मावनो अनगायै जों थियारि जाया। आगुनि सान्थि बिबानगिरि प्रयुथआ थांनाय 2014 आव खुंथायाव फैदोंमोन। बेनि उनाव बिथाड संबिधानआव सोलायनाय लाबोनानै थांनाय 2019 आव विसायख'थियाव देरहादोंमोन। नाथाय रजानि माखासे जरखा मोनथाया दासिमबो दड। बेनि हेंथायै जेखि जाया बुंनायनि सायाव 15 बोसोरनि जेल जानायनि साजा मोनो हागौ।

## हिज्राफोरनि जुलिखौ पप फ्रान्सिसआ मदत खालामदों

रम, 22 अक्ट'बर : पप फ्रान्सिसआ हिज्राफोरनि जुलिखौ हेफाजाव होदों। बेयो गिबि खेब जादों जेराव पपआ हिज्राफोरनि जुलिखौ हेफाजाव होदों। पपआ मोनसे डक्युमेन्टिआव बे बिबुंथिखौ होदों। 'फ्रान्सिस्क' मुनि मोनसे डक्युमेन्टिनि प्रिमियारखौ रम सावथुन फोबोंआव दिन्थिनाय जादों। बेयाव मोगा-मोगि बिबुंथि होनायाव पपआ बुंदोदि, हिज्राफोराबो नख'रआव थानायनि मोनथाय दं। बिसोरनो इसोरनिनो फिसा आरो बिसोरहा नख'र दानायनि मोन्थाय दं। बिथाड हिज्राफोरनि थाखाय मोनसे नोगोरारि आयेन बानायनो थाखायबो बाश्त्रा बुंदों, जाहाथे बिसोर आयेननि रैखाथि मोन्नो हायो। सिएनएननि बादिब्ला, फ्रान्सिसआ गिबियावबो बे बायदि आयेनखौ हेफाजाव होखांबाय। नाथाय पप महरै गिबि खेब बिथाड हिज्राफोरनो आयेनारि रैखाथि होनायनि बाश्त्रा बुंदों। मख'जाथावदि, मंगलबाखालि पप फ्रान्सिसखौ गिबियै राइज्योआरि फोबोंआव मास्क गान्नाय नुनो मोन्दों। पप आरो गुबुन फादारफोरआ मुलुगआव गोजोन सान्थिनि थाखाय मोनसे आर'ज गाबनाय सभायाव



बाहागो लादों। पपआ सुबुंफोरजों नुजाथि हैनो एवा दर्शन होनो थांनाय गावनि सप्ताहयारि हाबाफारियाव थांनाय समाव खालि गरियावल' मास्क, गानोमोन,

सुबुंफोरजों दर्शन जानाय समाव मास्क गानामोन। बेनि थाखाय बिथाड गोबां सावरायनायजोंबो मोगा मोगि जानांदों। मानोना सुबुंफोरा बिथानि साखाथियाव थाडोमोन।

## कनक दुर्गा मन्दिरनि थाखाय जगन रेड्डीआ 70 कौटि अन्सुंथाय फोसावदों

बिजयबाड़ा, 22 अक्ट'बर: अन्ध्र प्रदेशनि गिबि मन्थि वाइ एस जगन महन रेड्डीआ कनक दुर्गा मन्दिरनि गोजूयाव थानाय इन्द्रकीलाद्री हाजो सायाव गोदानै बानायनाय, गोदान मुगानि जौनथोर आरो रैखाथि रहा लानायखौ जागायजेन्नो थाखाय 70 कौटि रंखौ फोसावदों। गिबि मन्थिआ मन्दिरआव दावबाय हैदों आरो

बुधवार बेलासियाव देबिनो रेशमी खसावखौ बाउदों। बियो बै ओन्सोलखौबो नायबिजिर हैदों जेराव बल्डार अन्थाया गोग्लै बोदोंमोन। श्रीनिवास रेड्डी, जिल्ला अग्निशमन बिबानगिरिनि बादिब्ला बिजयवाड़ायाव कनक दुर्गा मन्दिरयाव हा गिसिखानायनि जाहोनाव सा 2 सुबुंफोरा जोखोम जादों।

## मुलुगनि माखासे हादतफोराव करनाया गोबां गोसारदों, नाथाय भारतयाव खमायलांदों



वाशिंगटन, 22 अक्ट'बर: थांनाय बोसोरनि जोबथा दानयाव चीननि बुहाननिफ्राय सोमजिखांनाय नबेल करना भाइरासआ मुलुगनाडे नो 4 कौटि 11 लखनिफ्राय बांसिन सुबुंफोरखौ इनफेक्सन खालामदों। बे इनफेक्सननि जाहोनाव थांनाय सुबुंफोरनि अन्जिमाया 11 लाख 30 हजार 4 जौ जाबाय। करना इनफेक्सननि समाव डेंगु बेरमयाबो गोसारदों। करना आरो डेंगु जानायनि लोक्षोनआ समान जानायनि जाहोनाव बेरमखौ हमनो हाया। डेंगुनि केसआ कभिड-19 नि थासारिखौ जेना गोनांसिन बानायदों। बे मोन्नेनि लोक्षोनखौ आन्जादसालियाव

नायबिजिरनायनि उनावसो रोखा मोनथिनो मोनो। बेरामनि लोक्षोनखौ सिगां मोनथिग्रोब्ला गोब्राब बेराम जानायखौ होबथानो हायो। भारतआव करना भाइरसनि थासारिया लासै लासै खमाय लांगसिनो दं। करनानिफ्राय रिक्बारि जानाया 90 जौखोन्दोनिफ्रायबो बांसिन जाबाय। मिरु देहा मावख'नि बायदिब्ला हादतयाव थांनाय 24 घन्टयाव करनानि गोदान केस मोन्नाया खम जादों। दासिमाव 77 लाख 6 हजार 946 करनानि केस मोन्नाय जादों, जेराव 68 लाख 74 हजार 518 सुबुंफोरा मोजां जाबाय। हादतयाव करनानि सांग्रां केसनि अन्जिमाया 7 लाख 15 हजार 812 जाहैबाय। भारतयाव करनानि

## तेलेंगानाआव दै बानाजों खहा जानायनि सोमोन्दै मिरुनि हान्जाआ खौरां लाफैगोन

हाइद्राबाद, 22 अक्ट'बर : तेलेंगानाआव दै बानाजों जानाय ख'हाखौ नायबिजिरनो थाखाय साबा सोद्रोमानि मिरुआरि हान्जाआ राइज्योयाव दावबायहैगोन। बेनि गेजेरजों गिबि मन्थि चन्द्रशेखर रावआव बिबानगिरिफोरखौ बे बाश्त्राखौ रोखा खालामनो बिथोन होयोदि, जाहाथे नोगोराव थानाय दैनिथिंकि आरो बिलोनि गेजेराव जेबो लिग जाया। अदेबानि मिरुयारि नख'रारि राइज्यो मन्थि किशन रेड्डीआ थांनाय बुधवारखालि टुइटनि गेजेरजों मिरुआरि



हान्जाखौ तेलेंगानायाव दावबायगोन होन्नानै फोसावयो। बेराफारस सिकन्दराबादिनफ्राय लक सभानि सोद्रोमा रेड्डीआ थांनाय सप्ताहयाव आखा जागायजेन्नायावनो माखासे गोहोम गोग्लैनाय

बैसो गोरा नासय जानाय बिफा-बिमा आरो गुबुननि सायाव गसंशानाय बेंगुरा बिदा-  
बिनानावफोरा मानजों थानानै थानायनि मोन्थायखौ आइननि मर्यदाजों मोनो हायो

# आसाम कर्मसारि प्रणाम आइन

( आसामनि कर्मसारिफोरनि दिथागिरिफोरनि फार्से बिबान आरो बिबान थानायनि  
बिथोन होनाय आरो नायसंनाय आइन, 2017 )



सत्यमेव जयते  
आसाम सरकार

## गोसो ह्येथावना बोसोनफोर

- ▶ सरकारि कर्मसारि, सरकारि फसंथान, राइज्योयारि गेवलां खोन्दोनि फसंथाननि सिडव खामानियाव कर्मसारिफोरखौ बे आइननि सिडव थिसनो लानाय जादों।
- ▶ आसाम सरकारनि गेजेरजों मोनथाम राहा दाफुंनयजों आजावना लानाय सम बादियै राहा लानानै थि समावनो गेबें बिजिरलाय होनाय।
- ▶ आसाम सरकारनि कर्मसारिनि जायखि-जाया बेंगुरा बिदा-बिनानाव एबा दिथागिरिफोरा जुदि रंखान्थि बिथिडव लोरकां जायो, बिबिद्वला बिसोरो दाबि खालामनाय कर्मसारिनि दानयारि बेतननिफ्राय 10 जौखोन्दो रं ( आरो हरखाव थासारिआव 15 जौखोन्दोसिम ) रंखान्थि हेफाजाव महरै होनाय जागोन।
- ▶ जुदि सायख 'जानाय बिबानगिरि एबा बिबान थानाय बिबानगिरिआ मबेबा जुक्तिसंगआव जाहोन गैयालासेनो आर'ज बिलाइखौ नाजावनो सिमान जायाब्ला एबा थिखानाय सम सिमाननि गेजेरव आर'ज बिलाइखौ आजावब्ला बेनि थाखाय 'प्रनाम आयग'आ सानफ्रोमबो 100 रंनि जुरिमाना फोनंगोन।

## रंखान्थि हेफाजाबनि थाखाय आर'जलाइ होनायनि राहाफोर:

- ▶ प्रणाम आइननि सिडव थिसनो लानाय मिजिंथावना दिथागिरि आरो बेंगुरा बिदा-बिनानावफोरा कर्मसारिफोरनि रंखान्थि आजावनाय आरो रानानै होग्रा बिबानगिरि (DDO) आर'जलाइ जमा होनो हागोन। बिसोरनि आर'जलाइखौ जाथावनानै नायबिजिरनायनि थाखाय डिडिअखौ गोहो होनाय जादों आरो बिसोरो 90 साननि गेजेरवनो आयदाखौ मावफुंनयनि थाखाय गोनंथार थागोन।
- ▶ थिखानाय सम सिमाननि गेजेरव डिडिअआ जुदि आयदाखौ मावफुंनयाव हेफाजाव गैरै जायो एबा कर्मसारिआ, दिथागिरिआ एबा बेंगुरा बिदा-बिनानावफोरा जुदि सायख 'जानाय बिबानगिरिआ फोसावनाय बिथोनआव गोजोन्नाय गैयाब्ला गिबि आपिल खालामग्रा बिबानगिरि महरै थानाय संमन्डलनि सामलायगिरिनि खाथियाव आर'जलाइखौ जमा होनो हागोन।
- ▶ संमन्डल सामलायगिरिआ जुदि, 60 साननि गेजेरव आयदाखौ मावफुंनो हायाब्ला एबा जायखि-जाया सुबुड बे बिथोनआव गोजोन्नाय गैया अब्ला बिसोरो प्रनाम आयगनि खाथियाव आर'जलाइखौ होनो हागोन।
- ▶ प्रणाम आयगआ 90 साननि गेजेरव आयदाखौ मावफुंनोन आरो आयगनि थाखि बादियै जोबथा आरो हेफाजाव गोनं जागोन।

Janasanyog/D6221/20

“

जों गोग्गानांगोनदि, सरकारि कर्मसारिनि बैसो जानाय बिफा-  
बिमा आरो बिसोरनि बिदा-बिनानावफोरा बिसोरनि निदान  
समाव रैखाथि मोन्नायनि थाखाय मोनसे नाजानाय

## प्रणाम आइननि

मावफुंनय बिथिडव हादतनि गेजेरवनो  
आसामआ जादों गिबि राइज्यो

”



सुबुनि थाखाय फोसावनाय:

## प्रणाम आयग

जिएडि भवन, पानबाजार, गुवाहाटी-781001  
दुरभाष-0361-2730515 (गाहाय कमिसनार)  
आरो 96781-80794 (रेजिस्ट्रार)  
वेबसाइट: <https://pranam.assam.gov.in>



ड॰ हिमन्त बिश्व शर्मा  
मानगोनं मन्थि, रंखान्थि, देहा आरो  
नख'र अन्साय, पिडब्लिउडि बायदि

AFSPRANAM/2020-21

# अरुनदय

आइजो जौगाखांहोनायजों नख'र आरो आसामनि जौगानाय

## फिन आसामखौ जौगाखांहोनायनि लामायाव लांनानै

आसामनि जारिमिनआव बयनिखुडुबो देरसिन थोंजों  
मुलाम्फा गथायनाय बिथांखि।



सत्यमेव जयते  
आसाम सरकार



ड॰ हिमन्त बिश्व शर्मा  
मानगोनं रंखान्थि मन्थि, आसाम सरकार

अरुनदय बिथांखि मावफुंनयनि गाहाय थांखिया जादों राइज्योनि गोखि उदां खालामनाय आरो रंखान्थि बिथिडव  
गोग्लैसोनाय नख'रफोरनो रंखान्थि आरो समाजयारि मान थाखोखौ फोजौखांहोनाय।

जायफोर जाथावै मुलाम्फायारिनि मुं फारिलाइयाव थिसनजादों बिसोरो गाव-गावनि आर'जलाइखौ बोखानानै  
लाफिनो बेनि थाखाय गुंरैयै खावलायनाय जाबाय। जुदि:

- बिसोरनि नख'रआव सरकारि कर्मसारि दड-एबा पेन्सन मोन्नाय सुबुं दड
  - बिसोरो बिथांखिनि जाथावै फारिलाइनि सिडव थागोन
- जायफोर सुबुड बिथांखिनि थिखानाय रंखौ मोनगासिनो दड।

बांसिन मिबथिनो साखाथिनि गामि पन्चायत/गामि  
आफाद जौगाखां समिटि/नोगोर जायगानि फसंथान एबा  
खुंथायनि मावख'जों सुलाद लाहै

## आइजो जौगाखांहोनायजों नख'रफोर आरो आसामनि जौगाखांहोनाय

AFSPIN-2020-21/27

Janasanyog/DF954/20

रंखान्थि बिफान, आसाम सरकार